

四庫全書

子部

欽定四庫全書

子部
玉海卷四十

詳校官給事中臣查善長

主事臣祁韻士覆勘

總校官進士臣朱鈴

校對官中書臣徐秉敬

騰錄監生臣高瑞相

欽定四庫全書

玉海卷四十

宋 王應麟 撰

藝文

春秋

杜預曰春秋魯史記之名記事者以事繫日以日繫月以月繫時以時繫年所以紀遠近別同異也故史之所記必表年以首事年有四時故錯舉以為所記

之名周禮有史官掌邦國四方之事達四方之志諸
侯亦各有國史大事書之於策小事簡牘而已周德
既衰官失其守諸所記注多違舊章仲尼因魯史成
文考其真偽而志其典禮上以遵周公之遺制下以
明將來之法蓋周公之志仲尼從而明之何休曰夫
子之作春秋將以變周之文從先代之質范甯曰平
王東遷周室微弱王道盡矣夫子傷之乃作春秋所
以明黜陟著勸戒成天下之事業定天下之邪正使

夫善人勸淫人懼胡安國曰春秋乃史外傳心之要
公好惡則發乎詩之情酌今古則貫乎書之事興常
典則體乎禮之經本忠恕則導乎樂之和著權制則
盡乎易之變學經以傳為按則當閱左氏玩辭以義
為主則當習公穀

漢十三家春秋 四家 公羊穀梁外傳

藝文志春秋二十三家九百四十八篇

省太史公四篇

古經十

二篇經十一卷

公羊穀梁二家

左氏傳三十卷

丘明魯太史

而左氏

微二篇國語二十一一篇新國語劉向分五十四篇皆左氏

之學也公羊傳十一卷高齊人外傳五十篇章句三十八

篇雜記八十三篇公孫弘傳云學春秋雜記顏氏記十一篇董仲舒

治獄十六篇皆公羊之學也穀梁傳十一卷赤魯人外傳

二十篇章句三十二篇皆穀梁之學也鄒氏夾氏傳皆

十一卷有錄無書公穀立學官鄒氏無師夾氏未有書鐸氏微三篇史記

諸侯表云楚威王大傳鐸椒為王不能盡觀春秋採取

成敗為四十章者也虞氏微傳二篇劉向別錄云左丘

明授曾申曾申授吳起吳起授其子期期授楚人鐸椒

鐸椒作抄撮八卷授虞卿虞卿作抄撮九卷授荀卿荀

卿授張蒼者也又有張氏微十篇議奏三十九篇

微謂釋微

指若世本十五篇戰國策三十三篇秦奏事二十篇楚

漢春秋九篇太史公百三十篇

十篇有錄無書

馮商續七篇太

古以來年紀二篇漢著記百九十卷終於漢大年紀五

篇皆史官所記春秋之流也王者世有史官左史記言

右史記事事為春秋言為尚書仲尼以魯周公之國史

官有法與左丘明觀史記據行事有褒貶不可書見口授子弟退而異言丘明論本事作傳明夫子不以空言說經也末世口說流行故有公羊穀梁鄒夾之傳四家之中公羊穀梁立於學官

漢春秋古經 古文春秋

志見上

周禮注小宗伯

古文春秋經公即位為公即立正

義古文春秋者漢藝文志云春秋古經十二卷是此文經所藏之書文帝除挾書律此本然後行於世 史

記吳太伯世家余讀春秋古文 自序余聞之董生春
秋文成數萬其指數千注張晏曰春秋萬八千字 正
義左氏丘明所修皆古文舊書多者二十餘通藏於秘
府伏而未發漢武帝時河間獻左氏及古文周官成帝
時劉歆校秘書見府中古文春秋左氏傳大好之傳多
古字古言學者傳訓詁而已及歆引傳文釋經轉相發
明 說文序孔子書六經左丘明述春秋傳皆以古文
禮記正義案古春秋左氏說周家封夏殷之後以為

上公 公羊傳莊七年四月不修春秋曰雨星不及地

尺而復君子修之曰星賈如雨注不修春秋謂史記也

古者謂史記為春秋疏據此傳則孔子未修之時已謂

之春秋

春秋正義禮坊記云魯春秋記晉云云皆在孔子之前竹書紀年三事與魯史同唯鄭棄其師

出瑣語晉春秋多是古史全文

仲尼修經皆約策書成文丘明作傳博

采簡牘衆記 穀梁疏鄭衆賈逵之徒以為仲尼修春

秋約之以周禮 聘禮疏服虔注左氏云古文篆書一

簡八字 左傳正義鄭玄注論語序以鉤命決云春秋

二尺四寸書之

五傳

漢藝文志

見上

春秋分為五注韋昭曰謂左氏公羊穀梁

鄒氏夾氏

左氏 正義太史公十二諸侯年表序云自孔子論史

記次春秋七十子口受其傳魯君子左丘明懼妄意

失真故具論其語成左氏春秋沈氏云嚴氏春秋引

觀周篇云孔子將修春秋與左丘明乘如周觀書於

周史歸而修春秋之經丘明為傳藝文志云左丘明

魯史也是言丘明為傳以其姓左故號為左氏傳也

或先經以始後經之事或後經以終前經之義或依

經以辨理或錯經以合異

有無傳之經
有無經之傳

漢儒林傳

又見後

漢興張蒼賈誼張敞皆修春秋左氏傳

隋志左氏漢初

出於張蒼之家
漢武時河間獻左氏

正義

誼為訓故授趙人賈公子長

卿授張禹

非成帝時張禹

禹為蕭望之言左氏望之薦禹徵

待詔授尹更始更始傳子咸及翟方進胡常常授賈

護護授陳欽而劉歆從尹咸及方進受由是言左氏

者本之賈護劉歆

劉歆言左丘明好惡與聖人同親見夫子公羊穀梁在七十二子之

後

後傳建武中鄭興陳元傳左氏學

詳見春秋博士

史

通丘明援經立傳廣苞諸國蓋當時有周志晉乘鄭書楚杙等篇聚而編之混成一錄向使專憑魯策獨詢孔氏何以能殫見洽聞若斯之博 公羊疏左氏

先著竹帛漢時謂之古學平帝時立學官 啖氏曰

左氏比二傳其功最高博采諸家叙事尤備 呂氏

曰左氏於定哀之間載孔子之事皆傳聞失實本不曾
登聖門 王安石疑左氏六國時人者十一事

公羊 戴宏序子夏傳與公羊高

穀梁疏公羊子名高齊人受經于子夏孝

經說云春秋屬商是也 吳兢書目公羊高乃子夏弟子

高傳子平平傳子地

傳子敢敢傳子壽至漢景帝時壽乃共弟子齊人胡

母子都著於竹帛與董仲舒皆見於圖讖

疏公羊者子夏口授

公羊高五世相授漢景帝時公羊壽共弟子胡母生乃著竹帛

儒林傳漢興言春

秋於齊則胡母生於趙則董仲舒胡母生與仲舒同

業齊之言春秋者宗事之公孫弘亦頗受焉武帝尊

公羊家由是大興胡毋生弟子嬴公授孟卿眭孟眭

孟授嚴

本姓

彭祖顏安樂由是有嚴顏之學彭祖授

王中中授公孫文東門雲安樂授冷豐任公有冷任

之學

六藝論云云安樂弟子冷豐劉向王彥彥一作亥

疏廣事孟卿授筦路

貢禹事嬴公授堂溪惠惠授冥都有筦冥之學後

傳

見春秋博士

又唐檀習顏氏馬宮治嚴氏射策甲科郅

暉治嚴氏李育習嚴氏陳重學顏氏隋志公羊傳

十二卷嚴彭祖誤公羊解詁十一卷漢諫議大夫何

休注

董仲舒四傳至何休
休自謂本胡毋生條例

疏左氏漢時謂之古

學公羊漢世乃興故謂之今學許慎五經異義云古
者左氏說今者公羊說是也

穀梁

吳兢書目秦孝公時人

出麋
信注

楊士勛疏穀梁

子名倣

一云
名淑

字元始魯人一名赤

阮孝緒亦以為
名倣字元始

風俗通穀梁名赤子夏弟子 顏師古曰名喜受經

于子夏為經作傳傳孫卿卿傳申公申公傳江翁

儒林傳瑕丘江公受穀梁於魯申公傳魯榮廣皓星
公受焉蔡千秋周慶丁姓皆從廣受宣帝興穀梁擢
千秋為諫大夫尹更始事千秋又受左氏傳為章句
傅子咸及翟方進房鳳江博士授胡常常授蕭秉君
有尹胡申章房氏學 隋志梁有穀梁傳十五卷漢
諫大夫尹更始撰漢儒兼通穀梁左氏者胡常尹更始 疏景帝好公
羊胡母之學興仲舒之義立宣帝善穀梁千秋之學
起劉向之意存 按漢人以公穀為末世口說流行

之學見於其書者又有尸子魯子高子子司馬子子
沈子子女子北宮子之流 葉氏曰公羊穀梁受學
於子夏出於讖緯之書所謂說題辭者其言不經見
鄒氏 王吉傳吉通五經能為鄒氏春秋 范升傳奏
曰春秋之家又有鄒夾

夾氏 漢志鄒氏無師夾氏未有書 史記正義七錄
云建武中鄒夾氏皆絕 隋志王莽之亂鄒氏無師
夾氏亡 孝經序學開五傳注鄒氏傳十二卷夾氏

傳十一卷 穀梁疏五家之傳鄒氏夾氏口說無文
師既不傳道亦尋廢

漢春秋博士 講郎

儒林傳贊武帝立五經博士春秋唯有公羊孝宣立穀
梁 後儒林傳公羊顏嚴穀梁三家皆立博士光武立

十四博士春秋嚴顏

嚴彭祖
顏安樂

左氏 漢傳河間獻王立春秋左氏博士劉歆欲列學
官哀帝令歆與博士講論其義博士不肯置對歆移

書責之平帝時立左氏 後傳陳元傳左氏為訓詁

建武初議欲立左氏傳博士

尚書令韓歆上疏

范升奏左氏

淺末不宜立

升傳四年正月朝見雲臺升對曰左氏不祖孔氏師徒相傳又無其人奏左氏

之失凡十四事又上太史連戾三十一事

元上疏曰武帝好公羊衛太子

好穀梁有詔太子受公羊不得受穀梁孝宣為石渠

論而穀梁氏興至今與公羊並存先後所立不必相

因升辨難凡十餘上帝卒立左氏學太常選博士四

人元為第一帝用其次李封封卒左氏復廢 賈逵

建初元年奏曰光武奮獨見之明興左氏穀梁二家
先師不曉圖讖故令中道而廢帝令達自選嚴顏諸
生高才者二十人教以左氏 章紀八年十二月戊
申選高才生受左氏穀梁以扶微學廣異義

公羊

儒林傳

兼用
列傳

齊胡母生為景帝博士與董仲舒

同業仲舒孝景時為博士公孫弘亦頗受焉為博士
眭孟授嚴彭祖顏安樂彭祖為宣帝博士疏廣事孟
卿為博士 後傳丁恭周澤甄宇習嚴氏建武間為

博士張玄少習顏氏兼通數家法會顏氏博士闕玄
試策第一拜博士諸生言玄兼說嚴氏宣氏不宜專
為顏氏博士李育習公羊春秋拜博士建初四年論
白虎以公羊義難賈逵

穀梁 傳瑕丘江公受穀梁於魯申公傳子至孫為博
士宣帝善穀梁說以江公孫為博士周慶丁姓皆為

博士 侯霸事房元為都講
申章昌為博士

魏志黃初五年四月置

穀梁博士

隋志晉時穀梁范甯注公羊何休注左氏服虔杜預注
俱立國學至隋杜氏盛行服義及公羊穀梁浸微今殆
無師說 晉王接傳謂左氏辭義贍富自是一家書不
主為經發公羊附經立傳經所不書傳不妄起於文為
儉通經為長 荀崧傳左丘明張本繼末發明經意多
奇偉公羊高親受子夏辭義清雋斷決明審穀梁赤師
徒相傳文清義約是以三傳並行莫能孤廢 左氏疏
賈逵上春秋大義四十條以抵公穀又與左氏作長義

至鄭康成鍼膏肓發墨守起廢疾自此以後二傳遂微

左氏學顯

何休序曰賈逵緣隙奮筆以為公羊可奪左氏可興

公羊疏賈逵作

長義四十一條云公羊理短左氏理長鄭衆亦作長義

十九條十七事專論公羊之短左氏之長在逵之前

戴宏

作解疑論

何休作墨守以距長義以強義為廢疾以難穀梁

造膏肓以短左氏蓋在注傳之前 穀梁疏鄭玄六藝

論云左氏善於禮公羊善於讖穀梁善於經

漢春秋蕃露

董仲舒傳所著皆明經術之意及上疏條教凡百二十

三篇

志儒家

而說春秋事得失間舉玉杯蕃露清明竹林

之屬

皆所著書名

復數十篇十餘萬言皆傳於後世仲舒下

帷發憤潛心大業令後學者有所統壹為羣儒首 唐

志仲舒春秋繁露十七卷

七錄隋志同

崇文目十七卷其

書八十二篇義引宏博然篇第七舛無以是正又即用

玉杯竹林題篇疑後人取而附著云 晁氏志史稱仲

舒說春秋數十篇今益而為八十二篇又通名繁露未

詳

陳氏曰通典御覽所引皆今書所無

中興書目十卷繁露之名先儒

未有釋者案逸周書王會解天子南面立纁無繁露注云冕之所垂也有聯貫之象春秋屬辭比事仲舒立名或取諸此 西京雜記仲舒夢蛟龍入懷乃作春秋繁

露 古今注牛亨問崔豹繁露者何曰綴玉而下垂如

繁露也則繁露古冕之旒似露而垂 史記上大夫董

仲舒推春秋頗著文馬索隱曰繁露 禮大司樂注董

仲舒云成均五帝之學疏出繁露以為繁多露潤 後

漢書明德馬后紀尤善周官董仲舒書注玉杯蕃露清

明竹林之屬 禮儀志注繁露曰大旱雩祭而請雨

郎顛

傳注亦引之 輿服志注繁露曰劔之在左蒼龍之象

通典亦引

之志又引止雨書 通鑑外紀繁露曰推神農以為九皇 太

平御覽寰宇記皆引繁露春秋會解所引十三條 景

祐四年四月歐陽修書其後云今其書纔四十篇又總

名繁露失其真也館中見有八十餘篇多錯亂重復民

間獻三十餘篇其間數篇在八十篇外董生儒者其論

深極春秋之旨然惑於改正朔而云王者大一元者牽
於其師之說不能高其論以明聖人之道 慶歷七年

二月樓郁序曰公羊之學後有胡母子都仲舒治其說

程大昌曰館本十七卷紹興間董闕所進通以繁露

冠書而玉杯清明竹林特各居篇卷之一有垂旒凝露
之象玉杯竹林同為託物漢魏人為文名連珠其殆繁

露之自出歟

大昌為演繁露十
四卷又續六卷

樓鑰曰潘景憲本有

八十二篇說文引仲舒在王道通三第四十四篇傳中

對越三仁之問朝廷有大議使使者及廷尉張湯就其

家問之求雨止雨三策仁愛陰陽德刑之類皆在書中

又有言曰不由其道而勝不如由其道而敗真得夫子

心法 八十二篇 始楚莊王終天道施 三篇闕 玉杯第二竹林 一

卷 楚莊王 二 竹林 三 玉英 四 王道 五 減國上下隨本消息盟

六 服制象二端符瑞俞序 七 考功名通國身三代改制

湯武八度制爵國仁義 九 身之養對膠西合 十 深察名

諸侯五行 十一 為人者天地五行之義陽尊陰卑 十二

闕文二篇 十一 王道通三天容天辯在人陰陽位 十二

陰陽終始陰陽義陰陽出入天道

十三

四時之副人副
天數同類相動

無二暖燠孰多基義闕文一篇

十四

治亂五行五行變
救五行五事郊語

十五

郊義郊
祭四祭

郊祀順命

十六

執贄山川頌求雨止
雨祭義循天之道

十七卷

天地之行
威德所生

如天之為天地陰陽天道施第八十
二玉杯竹林二篇之名未有以訂之

仲舒對策云孔

子作春秋先正王而繫以萬事見素王之文焉

仲舒

曰詩無達詁易無達吉春秋無達辭

漢春秋決獄

志儒家董仲舒百二十三篇春秋有公羊董仲舒治獄

十六篇 隋志仲舒春秋決事十卷 唐志法家仲舒

春秋決獄十卷

黃氏正

前傳淮南衡山反使仲舒弟子

呂步舒治淮南獄以春秋議頗斷於外不請注應劭曰

仲舒居家朝廷每有政議遣廷尉張湯問其得失於是

作春秋決獄二百三十二事動以經對言之詳矣

繁露曰春

秋之聽獄也必本其事而原其志

史記正義七錄曰春秋斷獄五卷

崇文目春秋決事比十卷 論衡董仲舒表春秋之

義稽合於律無乖異者 鹽鐵論春秋之治獄論心定

罪志善而違於法者免志惡而合於法者誅 終軍詰

徐偃 雋不疑論衛太子 龔勝議朱博 中丞衆奏

薛況

漢左氏訓故 章句 條例 左氏國語解

詰 經傳義詰 長經 釋例 三家經本

訓詰

前儒林傳 又劉歆傳 漢興北平侯張蒼及梁太傅賈誼張敞

劉公子皆修左氏傳誼為訓故授趙人貫公為河間獻

王博士尹更始受左氏傳取其變理合者以為章句傳
子咸及翟方進房鳳鳳與劉歆共校書歆校秘書見古
文左氏傳好之時尹咸治左氏共校經傳歆畧從咸及
方進質問大義初學者傳訓故而已及歆引傳文解經
由是章句義理備焉歆曰春秋左氏可立哀帝納之以
問諸儒皆不對唯房鳳王龔許歆共移書責太常博士
正義云鄭興父子及歆創通大義
奏上左氏始得立學遂行於世
鄭興傳從歆講正
大義歆使撰條例章句傳詰言左氏者多祖於興子衆

作春秋難記條例

又作春秋刪

隋志衆撰左氏條例九卷

唐志衆牒例章句九卷

陳元傳父欽事賈護元傳

父業為之訓詁

見上

賈逵傳九世祖誼父徽從劉歆作

左氏條例二十一一篇逵兼通五家穀梁之說尤明左氏

傳國語為解詁五十一篇

左氏三十篇國語二十一篇

永平中上疏

獻之顯宗重其書寫藏秘館建初元年詔入講左氏傳
使出左氏大義長於二傳者逵具條奏摛出三十事其
餘同公羊者什七八左氏義深君父公羊多任權變且

五經家無以證圖識明劉氏為堯後者左氏獨有明文

帝嘉之令選公羊嚴顏諸生二十人教以左氏與簡紙

經傳各一通

竹簡及紙也

八年詔選高才生受左氏達所著

經傳義詁及論難百餘萬言

詩疏引賈逵注左傳

隋志春秋釋

訓一卷左氏經傳朱墨列一卷達撰春秋左氏長經二

十卷漢侍中賈逵章句左氏解詁三十卷春秋三家經

本訓詁十二卷

宋有三家經二卷七唐志無經本二字

注外傳國語二十

卷 唐志達左氏長經章句二十卷

李育傳習公羊

作難左氏義四十一事與諸儒論於白虎觀以公羊義

難賈逵

何休追述育義難二傳

穎容傳善春秋左氏著條例五

萬餘言

隋志春秋釋例十卷

唐志七卷

漢公車徵士穎容

撰

正義引穎氏釋例云大廟有八名其體一也

詩疏引穎子容

范曄論曰鄭賈之

學為諸儒宗桓譚以不善識流亡鄭興以遜辭僅免賈

逵能附會文致最差貴顯世主以此論學悲哉

正義引逵春秋

序其處者為劉氏深疑此句或非本旨蓋左氏不顯於世先儒無以自申挿注比辭將以媚於世又引劉

賈先儒云亦不能盡通

劉賈許穎既不守例又五雉九扈引賈逵云

漢春秋議

前儒林傳武帝時董仲舒通五經能持論江公喞於口

治穀

上使與仲舒議不如仲舒而丞相公孫弘本為公

羊學比輯其義卒用董生上因尊公羊家詔太子受之
榮廣傳春秋於江公與公羊大師眭孟等論數困之

隋志何休春秋漢議十三卷鄭玄駁何氏漢議二卷梁

有服虔漢議駁二卷

唐志十卷

又有孔融春秋雜議難五

卷廩信理何氏漢議二卷

魏人

春秋議十卷

何休

唐志何

休漢議十卷鄭玄駁麋信注 後傳何休以春秋駁漢
事六百餘條妙得公羊本意服虔又以左傳駁何休所
駁漢事六十條

漢殿中議公穀同異

儒林傳宣帝聞衛太子好穀梁問韋賢夏侯勝史高皆
魯人言穀梁本魯學公羊乃齊學也宜興穀梁自元康
中始講授郎十人至甘露元年積十餘歲皆明習召五經名
儒太子太傅蕭望之等大議殿中平公穀同異時公羊

嚴彭祖申輓伊推宋顯許廣穀梁尹更始劉向周慶丁
姓王亥議三十餘事望之等十一人各以經誼對多從

穀梁

漢春秋左氏圖

隋志十卷漢太子太傅嚴彭祖撰

唐志七卷止
云春秋圖

又古今

盟會地圖一卷

亡

冥氏春秋

禮冥氏注鄭司農云冥讀為冥氏春秋之冥疏冥氏春

秋者冥氏作春秋書名若晏子呂氏春秋之類 漢儒

林傳堂谿惠授泰山冥都疏廣授琅邪筦路都路事故

顏氏有筦冥之學

春秋五始

王褒傳春秋法五始之要在審己正統師古曰元者氣

之始王者受命之始正月者政胡廣曰五始一曰元

二曰春三曰王四曰正月五曰公即位

漢定春秋章句公羊 春秋外傳 旨義

傳鍾興受嚴氏春秋光武詔令定春秋章句去其複重
以授皇太子又使宗室諸侯從興受章句 樊儵刪定

公羊嚴氏章句號樊侯學 張霸以樊儵刪嚴氏春秋

猶多繁辭減定為二十萬言更名張氏學

興儵並師丁
恭光武召見

興問經義遷
左中郎將

楊終著春秋外傳十二篇改定章句十

五萬言 北海敬王睦顯宗時作春秋旨義終始論

隋志漢末郝萌集圖緯讖雜占為五十篇

十五卷

謂之春

秋災異

漢春秋刪

鄭衆傳從父興受左氏春秋肅宗時受詔作春秋刪十

九篇 孔奮傳從劉歆受左氏春秋子奇作左氏刪定刪

其義嘉作左氏說

漢五家穀梁說 章句

賈逵傳能誦左氏傳雖為古學兼通五家穀梁之說注

尹更始劉向周慶丁姓王亥見前書 前儒林傳尹更

始事蔡千秋及受左氏傳取其變理合者為章句隋志十五

卷
梅福傳明穀梁春秋

漢公羊解詁 條例

何休傳作公羊解詁覃思不闕門十有七年又註訓孝

經論語風角七分與其師博士羊弼追述李育之意以

難二傳作公羊墨守

言不可攻如墨翟之守城也十四卷

左氏膏肓十卷穀

梁廢疾

三卷

鄭玄傳乃發墨守鍼膏肓起廢疾休見而

歎曰康成入吾室操吾矛以伐我乎

休始答賈逵事因記左氏之短康成

箴附逐章之下發墨守議膏肓

詩正義引鄭箴膏肓公羊疏禮大司徒疏禮器疏引發墨

守正義引何休膏肓蘇氏釋云又引膏肓鄭箴云文選注引墨守

隋志公羊解詁

十一卷漢諫議大夫何休注

唐志十三卷公羊條例一卷

左氏膏肓

十卷

崇文目九卷興書目第七卷闕

公羊墨守十四卷

唐志一卷

公羊謚

例一卷梁有公羊傳條例一卷並何休撰穀梁廢疾三

卷何休撰鄭玄釋張靖箋

穀梁疏案鄭釋廢疾張靖策廢疾

左氏膏肓

釋疴十卷服虔撰

唐志二卷

序畧依胡母生條例隱括就

繩墨講誦師言至於百萬猶有不解

疏莊顏之徒

疏胡母

生本雖以公羊經傳授董氏猶自別作條例故何氏取

之 荀爽傳著春秋條例作公羊問及辨讖

隋志公羊傳問答九

卷荀爽問徐欽答公羊論二卷晉庾翼問王愆期答

劉陶傳詔次第春秋條例

蜀志孟光好公羊而譏呵左氏 吳志唐固為公羊

穀梁傳注

又國語注

晁氏志董仲舒以公羊顯又四傳至

何休鄭玄曰公羊善於讖休注引讖最多公羊疏三十

卷徐彥撰以何氏三科九旨為宗本其說曰何氏之意

三科九旨正是一事爾總而言之謂之三科析而言之

謂之九旨新周故宋以春秋當新王此一科三旨也所

見異辭所聞異辭所傳聞異辭此二科六旨也內其國
而外諸夏內諸夏而外夷狄此三科九旨也 何氏作

文謚例云此春秋五始三科九旨七等六輔二類之義

三科九旨見上五始者元年春王正月公即位是也七等

者州國氏人名字子是也六輔者公輔天子卿輔公大

夫輔卿士輔大夫京師輔君諸夏輔京師是也二類者

人事與災異是也 宋氏注春秋三科者一曰張三世

二曰存三統三曰異外內九旨者一曰時二曰月三曰

日四曰王五曰天王六曰天子七曰譏八曰貶九曰絕
時與日月詳畧之旨也王與天王天子是錄遠近親疎
之旨也譏與貶絕則輕重之旨也 按三統歷云春為

陽中萬物以生秋為陰中萬物以成故名春秋欲使人
君動作不失中也 晁說之曰何休特負於公羊之學

五始三科九旨七等六輔二類七缺之設何其紛紛邪
既曰據百二十國寶書而又謂三世異辭何耶 春秋說
云有七

缺夫婦君
臣父子禮

漢三傳異同說

馬融傳融欲訓左氏春秋及見賈逵鄭衆注乃曰賈君精而不博鄭君博而不精既精且博吾何加焉但著三傳異同說

漢左氏解誼 達義

隋志左氏傳解誼三十一卷九江太守服虔注左氏膏肓釋痾十卷春秋成長說九卷塞難三卷服虔撰梁有左氏達義一卷漢司徒掾王玠撰左氏傳三十卷王肅

注董遇章句三十卷孫毓義注十八卷又賈服異同畧
五卷王朗注十二卷漢諸儒傳左氏者甚衆賈遠服虔
並為訓解至魏遂行於世晉時服杜注俱立國學而唯
傳服義至隋杜氏盛行服義浸微 正義中興以後陳

元鄭衆賈遠馬融延篤彭仲博許惠卿服虔潁容之徒

皆傳左氏魏世則王肅董遇為之注

正義多引服說
劉炫難服虔云

虔解誼其
文甚煩

後漢傳服虔作春秋左氏傳解行之至今

又以左傳駁何休之所駁漢事六十條

儒林

謝該明春

秋左氏建安初樂詳條左氏疑滯數十事問謝該皆為

通解之名謝氏釋

魏畧云今左氏樂氏問七十二事詳所廣也

延篤從唐

溪典受左氏論解經傳多駁正後儒服虔等以為折中

鄭玄通公羊又從張恭祖受左氏 馬嚴通左氏

孔喬學左氏 蜀志尹默傳益部多貴今文不崇章句

默從司馬德操宋仲子等受古學皆通諸經史又專精

於左氏春秋自劉歆條例鄭眾賈逵父子陳元服虔注

說咸畧誦述 北齊書姚文安難服虔解七十七條名

曰駁妄李崇祖申明服氏名曰釋謬

漢國語解詁

見上

賈逵傳為國語解詁二十一篇 隋志春秋外傳國語

二十卷賈逵注

唐已亡 鄭衆作國語 詩章句亡其為數

唐志王義國語

章句二十二卷唐固虞翻韋昭注孔晁解各二十一卷

吳韋昭集鄭賈虞唐四家為注

史通左丘明既為春秋內傳韋昭注國語謂

左傳為內傳

又稽逸文纂別說分周魯齊晉鄭楚吳越八國

事起周穆王終魯悼公為外傳國語二十一篇

書目云其文以

方內傳或重
出而小異

左傳正義傳玄云國語非丘明所作有

共說一事而二文不同

吳志注沈珩尤善春秋內外

傳 唐志雜家類晉孔衍春秋時國語十卷春秋後國

語十卷唐盧藏用春秋後語十卷 唐柳宗元非國語

二卷 劉貺外傳

見竹書紀年

宋庠補音三卷

治平元年上之二月

二十五日令國子監鏤板

劉放解駁左氏為內傳國語十卷 漢

書曰左丘明為傳又纂異同為國語司馬遷據左氏國

語 孔晁云左丘明集其典雅令辭與經相發明者為

春秋傳其高論善言別為國語

漢春秋圖緯

列傳魏朗字少英從博士卻仲信學春秋圖緯注孔子

作春秋緯十二篇

黨錮

賈逵永平中上言左氏與圖識

合者寫傳詁藏之秘書 荀爽作公羊問及辨識 明

紀永平八年十月壬寅詔日食之變其災尤大春秋圖

識所為至譴 隋志梁有春秋緯三十卷宋均注 史

記孔子曰我欲載之空言正義此春秋緯文

春秋命歷序

詩生民疏緯候之書及春秋命歷序立五帝傳世之事
為毛說者皆所不言鄭信讖緯以命歷序云少昊傳八
世顓頊傳九世帝嚳傳十世

春秋少陽篇

論語正義案春秋少陽篇伯夷叔齊姓名字謚 白虎
通春秋文義曰天子之社稷廣五丈諸侯半之

魏春秋說要 三傳論

隋志春秋說要十卷魏樂平太守糜信撰春秋三傳論
十卷魏大長秋韓益撰 魏志孫叔然作周易春秋例
毛詩禮記春秋三傳國語爾雅諸註 蜀志李譔著古
文易尚書毛詩三禮左氏傳太玄指歸皆依準賈馬異
於鄭玄 吳志士燮耽玩春秋為之注解袁徽與荀彧
書曰今欲條左氏尚書長義上之 魏畧鍾繇不好公
羊而好左氏謂左氏為太官而謂公羊為賣餅家數與
嚴幹共辨折長短

晉經傳集解

釋例

長歷

盟會圖

隋志春秋左氏經傳集解三十卷杜預撰

梁有服虔杜預音三卷

唐志音二卷

釋例十五卷

梁有齊杜乾光釋例引序一卷

左氏傳評二卷

並預

撰杜預序集解一卷劉炫注

梁有春秋古今盟會地圖一卷

杜預傳

進爵當陽侯立功之後耽思經籍為春秋左氏經傳集

解

分經之年與傳相附比其義類隨而解之

又參考衆家譜第謂之釋例又

作盟會圖春秋長歷備成一家之學比老乃成又撰女

記讚祕書監摯虞曰左丘明本為春秋作傳而左傳遂

自孤行釋例本為傳設而所發明何但左傳故亦孤行
武帝謂預曰卿有何癖對曰臣有左傳癖 序傳或先
經以始事或後經以終義或依經以辯理或錯經以合
異隨義而發其例之所重其發凡以言例皆經國之常
制周公之垂法史書之舊章仲尼修之以成一經之通
體其微顯闡幽裁成義類者皆據舊例而發義指行事
以正褒貶諸稱書不書先書故書不言不稱書曰之類
皆所以起新舊發大義謂之變例然亦有史所不書即

以為義者此蓋春秋新意故傳不言凡曲而暢之其經無義例因行事而言則傳直言其歸趣而已非例也預專修丘明之傳以釋經經之條貫必出於傳傳之義例總歸諸凡推變例以正褒貶簡二傳而去異端蓋丘明之志也劉子駿創通大義賈景伯達父子許惠卿淑皆

先儒之美者容穎子嚴容淺近亦名家故舉劉賈許穎之

違以見同異正義云服虔之徒分經之年與傳之年相

附比其義例各隨而解之名曰經傳集解正義集解謂聚集經傳為

之作解
元年三月成

太康

別集諸例及地名譜第歷數相與為部

凡四十部十五卷皆顯其異同從而釋之名曰釋例正義

云釋例終篇云稱凡者五十其別四十有九蓋以母弟二凡其義不異故也釋例四十部無凡者十五終篇云

諸凡雖是周公之舊典丘明撮其體義約以為言非純寫故典之文也隋志春秋五十凡義疏二卷發

傳之體有三發凡正例為例之情有五微而顯

志而晦婉而成章盡而不汙懲惡而勸善 左傳正義

杜別集諸例從而釋之事同則為部小異則附出孤經

不及例者聚於終篇其四十部次第從隱即位為首先

有其事則先次之唯世族土地事既非例故退之於後
終篇宜最處末故次終篇之前終篇處其終土地之名
起於宋衛遇于垂世族譜起於無駭地名在世族之前
天子之見於經者三十有二稱天王者二十五稱王者
六稱天子者一 梁諸儒為左氏學者皆以賈服義難
駁杜預凡一百八十條王元規引證通析無滯著春秋
發題辭及義記十一卷左傳音三卷崔靈恩左氏經傳
義二十二卷左氏條例十卷

天監中靈恩申服難杜著
左氏條義以明之虞僧誕

申杜難服世並傳馬靈恩
又有公穀文句義十卷

後魏衛冀隆精服氏學難

杜氏六十三事賈思同駁冀隆十餘條互相是非積成
十卷詔下國學集諸儒考之

晉春秋條例 牒例

劉寔傳尤精三傳辨正公羊以為衛輒不應辭以王父
命祭仲失為臣之節又撰春秋條例二十卷 隋志春

秋條例十一卷

唐志十卷

晉劉寔撰經例十二卷方範撰左

傳例苑十九卷劉寔等集解春秋序一卷春秋序論二

卷千寶撰

千寶獨美左傳以三十卷之約括囊二百四十年之事 千寶為左氏義外傳注周易周

官凡數十篇

唐志劉寔左氏牒例二十卷

晉春秋釋疑 春秋調人 左氏全綜

儒林傳汜毓合三傳為解注撰春秋釋疑凡所述七萬

餘言 劉兆以春秋一經三家殊塗諸儒是非紛然互

為讎敵乃思三家之異合而通之取周官調人之義作

春秋調人七萬餘言論其首尾使大義無乖不合者舉

其長短以通之又為春秋左氏解名曰全綜公羊穀梁

解詁皆納經傳中朱書以別之又撰周易訓注及所讚述百餘萬言 唐志劉兆三家集解十一卷 隋志劉兆公穀集傳十二卷

晉王接注公羊

傳接謂公羊附經立傳經所不書傳不妄起於文為儉通經為長任城何休訓釋甚詳而黜周王魯大體乖破且志通公羊而往往還為公羊疾病接乃更注公羊春秋多有新義又撰列女後傳七十二人喪亂盡失長子

愆期緣父本意更注公羊又集列女後傳云 隋志公

羊傳十三卷

唐志一卷

晉散騎常侍王愆期撰

詩鴻鴈疏引王愆期注公

云羊梁有高龍注公羊十二卷孔衍集解十四卷

正義按孔舒元

公羊傳本云麟孰為而

至為孔子之作春秋 刁氏例序一卷

虞溥傳注春

秋經傳

郭瑀傳作春秋墨說孝經錯緯

載記石季

龍遣國子博士詣洛陽寫石經校中經于秘書國子祭
酒聶熊注穀梁春秋列于學官

晉穀梁集解

范甯傳甯字武子以春秋穀梁氏未有善釋遂沈思積

年為之集解其義精審為世所重既而徐邈復為之注

儒林傳徐邈撰正五經音訓所注穀梁傳見重於時隋志十二卷唐志又傳義十卷音一卷

隋志

穀梁傳十二卷范甯集解傳例一卷甯撰 穀梁先有

尹更始

隋志梁有十五卷

唐固

十三卷

麋信

十二卷

孔衍

十四卷

江熙

唐志二傳評三卷

段肅

十四卷

張靖

十一卷

等十餘家注解范甯以

為膚淺乃商略名例為集解十二卷例一卷

隋志同疏云范以

所據別為例畧一百餘條

甯子泰雍凱從弟邵及其父汪門生故吏

商略同異撰諸子之言各記姓名

文中子范甯有志於春秋證聖經而詰衆

傳序曰左氏艷而富其失巫穀梁清而婉其失短公羊

辨而裁其失俗左氏有服杜之注公羊有何嚴之訓

晁說之曰穀梁晚出於漢因得監省左氏公羊之違畔

而正之至其精深遠大者真得子夏之所傳范甯又因

諸儒而博辨之申穀梁之志也其於是非亦少公矣非

若征南一切申傳汲汲然不敢異同也晁公武曰三傳

之學穀梁所得最多諸家之解范甯之論最善隋志

徐乾注十三卷胡訥集解十卷

亡錄六卷
經典序

程闡十卷

孔君指訓十卷張程孫劉四家集解四卷

殘闕

劉兆公羊

穀梁傳十二卷

兆傳為公羊
穀梁解詁

晉春秋後語

見續春秋 唐志盧藏用春秋後語十卷

晉春秋博士

荀崧傳元帝踐阼

太興初

轉太常時左傳杜氏服氏各置

博士一人其公羊穀梁省不置崧上疏曰春秋公羊其

書精隱明於斷獄穀梁簡約隱要孔子作春秋左丘明
子夏造邾親受無不精究丘明撰所聞為傳其書善禮
多膏腴美辭張本繼末以發明經意信多奇偉儒者稱
公羊高親受子夏立於漢朝辭義清俊斷決明審多可
採用董仲舒之所善也穀梁赤師徒相傳暫立於漢時
劉向父子猶執一家莫肯相從其書文清義約諸所發
明或左氏公羊所不載亦足訂正是以三傳並行博士
宜各置一人以傳其學元帝詔曰穀梁膚淺不足立博

士餘如所奏

見宋志 魏黃初五年
四月置春秋穀梁博士

北史趙世業家

有服氏春秋是晉世永嘉舊寫徐遵明往讀之因手撰

春秋義章為三十卷劉獻之三傳畧例三卷李鉉撰定

三傳異同

唐志李鉉三傳
異同十二卷

齊書永明八年晉安王子

懋撰春秋例苑三十卷奏之武帝敕付祕閣 梁書劉

之遊著春秋大意三傳同異合三十事武帝詔答曰丘

明傳洙泗之風公羊宗西河之學張蒼傳左氏賈誼襲

荀卿源本分鑣指歸殊致 隋志春秋五辯二卷梁五

經博士沈宏撰春秋三傳評十卷胡訥撰左傳述義四

十卷劉炫撰

書目今存一卷崇文目同

唐志梁簡文帝左氏傳例

苑十八卷隋劉炫攻昧十二卷規過三卷

正義引劉炫規過

述

議三十七卷

辛惠源集注春秋三傳三十卷

唐六十六家春秋

藝文志春秋六十六家一百部一千一百六十三卷始

於左丘明外傳國語次董仲舒繁露終於楊士勛穀梁

疏

失姓名五家

左氏之學有賈逵董遇王肅王朗杜預鄭衆

頽容劉寔服虔孫毓梁簡文殷興何始真張冲孔頽達
之屬公羊之學有董仲舒嚴彭祖何休孔氏王愆期之
屬穀梁之學有尹更始段肅唐固麋信張靖程闡孔衍
范甯徐乾徐邈沈仲義蕭邕江熙楊士勛之屬三傳則
有劉兆韓益胡訥潘叔度李鉉之學國語則有王肅唐
固虞翻韋昭孔晁之學又有士燮之注經干寶之義傳
吳略之詭例京相璠顧啓期之地名大夫譜王延之李
謚之旨通叢林崔靈恩沈宏文阿之義解義畧劉炫之

攻昧規過及答問辭苑辨證義難之流不著錄者始於
王玄度注左氏傳左氏有纂要集傳義疏音注序釋疑
事類公穀有總例以三傳名書有異同指要總例以春
秋名書有後語振滯通圖集注集傳纂例微旨辨疑加
減指掌指元通例折衷義鑑而終以柳宗元非國語凡
二十二家四百三卷 隋志九十七部九百八十三卷
崇文目三十三部三百九十六卷 中興目一百二
十三家一千四百八十卷 續書目十八家二十部四

百卷

唐春秋正義

志春秋正義三十六卷孔穎達谷那律楊士勛朱長才

奉詔撰馬嘉運王德韶蘇德融隨德素等對趙弘智覆

審

永徽四年二月二十四日上

序曰前漢傳左氏者有張蒼賈誼尹

咸劉歆後漢有鄭衆賈逵服虔許惠卿等各有訓詁然
雜取公穀以釋左氏晉杜元凱為集解專取丘明之傳
以釋孔氏之經晉宋傳授以至于今為義疏者有沈文

阿蘇寬劉炫沈氏於經傳極疎蘇氏唯旁攻賈服劉炫實為翹楚而性好非毀規杜氏之失凡一百五十餘條

然比諸義疏猶有可觀今據以為本其有疎漏以沈氏

補馬宋淳化七年十月孔維等校正上之志又有楊士勛穀梁疏十二

卷徐文遠左傳義疏六十卷書目類達參劉沈之說

兩義俱違則斷以己意崇文目春秋正義三十六卷

穀梁公羊疏各三十卷公羊疏不知撰人或云徐彥撰邢昺等是正書目同

隋志沈文阿左氏經傳義畧二十五卷王元規續十卷

經典序錄云梁沈文阿撰春秋義疏闕下秩陳王元規續成之劉炫左傳述義四十卷

唐春秋通例

韓滉傳治易春秋著通例及天文事序議各一篇

舊史著春

秋通例及天文事序議各一卷

志韓滉春秋通一卷陸希聲春秋通

例三卷

因三傳之例裁正以通聖人之旨 崇文目卷同

唐春秋集傳 纂例

啖助傳善為春秋考三家短長縫綻漏闕號集傳凡十年乃成復攝其綱條為例統門人趙匡陸質其高弟也

質本名淳質與其子異哀錄助所為春秋集注總例請匡損

益質纂會之號纂例志陸質集注二十卷纂例十卷

序云啖氏製統例分疏通會其義趙氏微旨二卷書目

損益多所發揮今纂而合之凡四十篇微旨三卷辨疑七卷辨疑三家得失訂以啖趙之說微旨頗

篇必稱淳聞於師曰柳宗元謂明章大中發露公樊器其道以堯舜為的其法以文武為首以周公為翼

宗師集傳十五卷會要貞元十九年給事中陸質著

集注二十卷類禮二十卷君臣圖翼三十五卷上之

唐春秋義統

書曰春秋闡微纂類義統十卷皇朝章拱之作春秋統
微序趙氏集啖氏統例集注二書及已說可以例舉者
為闡微義統十二卷第三四卷亡逸今本同趙匡字伯

循

國史
志同

文中子世家王述著春秋義統

唐春秋纂要

經傳要畧

御集列國經傳

志高重春秋纂要四十卷重士廉五代孫文宗時翰林
侍講學士帝好左氏春秋命重分諸國各為書別名經
傳要畧

經解類高重經傳
要畧十卷會要同

許康佐集左氏傳三十卷一

作文宗御集 實錄太和九年四月癸亥許康佐進纂
要左氏傳三十卷五月乙巳朔以御集左氏列國經傳
三十卷宣付史館 會要太和九年五月御集春秋左
氏列國經傳三十卷

唐春秋摘微

書目盧仝春秋摘微一卷十二公凡七十六事 晁氏
志唐盧仝春秋摘微四卷其經解不用傳然旨意甚疎
韓愈謂獨抱遺經究終始蓋實錄也祖無擇得之於金

陵崇文目
不載

唐三傳異同

會要元和四年四月給事中馮伉著三傳異同三卷

志馮伉三傳異同三卷李氏三傳異同例十三卷開元中失

名劉軻三傳指要十五卷序云先儒以春秋之有三傳若天之有三光會三家必

當之言列
于經下

唐春秋加減

志一卷元和十三年國子監修定書目一卷崇文目同訂

正左氏句讀字畫訛舛

唐三傳總例 九經師授譜 春秋通例

韋表微傳敬宗時為翰林學士遷中書舍人尤好春秋

病諸儒執一槩是非紛然著三傳總例志二全會經超

又以學者薄師道不如聲樂賤工能尊其師著九經師

授譜詆其違舊史譜一卷志成玄公公穀總例十卷

咸通山陽令陸希聲春秋通例李氏三傳異同例見上北史

張思伯善說左氏撰刊例十卷

唐春秋圖

志張傑春秋圖五卷又春秋指元十卷

崇文目春秋精義二十卷指元

十卷

書目春秋圖一卷唐會昌中黃敬密撰

國史志云春秋兩霸

列國指要圖有晉霸楚霸之

序語

春秋名號歸一圖二卷名字同異錄

五卷蜀馮繼先撰春秋龜鑑圖一卷張暄撰自魯周迄

陳蔡載其名氏

崇文目春秋圖五卷演左傳諡族圖

五卷春秋名號歸一圖二卷

左氏所書人或字或號或爵諡多互見取以系名下

唐春秋指掌圖

志李瑾十五卷

書目

卷同上

李瑾集諸家之說為序義

凡例各一篇抄孔頴達正義為五篇采摭餘條為碎玉
一篇集先儒異同辨正失得為三篇取劉炫規過申訂
其義為三篇大抵專主杜學

崇文目同

國史志春秋指掌

圖二卷融據李瑾指掌為圖不著姓

唐春秋折衷

志陳岳三十卷

唐末江西從事

晁氏志春秋折衷論三十卷

陳岳撰以左氏為上公羊為中穀梁為下比其異同而

折中之書目春秋折衷論記三傳異同參求其長

唐春秋義鑑 義畧

志郭翔春秋義鑑三十卷

崇文目在類書類

儒家章懷太子春

秋要錄十卷

隋書張冲字叔元撰春秋義畧

隋志張冲三十

卷

春秋十二國年歷

國史志一卷

不知撰人

春秋新義十卷林檠辨國語三卷

天禧春秋要言

見御製

天禧春秋纂類

集議畧論

統微

通義會

義
機括

書目天禧中葉清臣取左氏傳隨事編類為二十六門
十卷名春秋纂類 慶歷中大理丞李堯俞辨三傳諸
家得失及采陳岳折衷總其類例五百餘目而成一百
九十五論進表稱春秋集議畧論三十卷今分上下二
卷 章拱之統微二十五卷據三傳啖趙意所不及者

斷以已見并采陸淳可取之義 至和中太常博士王

哲撰春秋通義十二卷據三傳注疏及啖趙之學其說

通者附經文之下缺者用已意釋之又異義十二卷皇

綱論五卷二十三篇

論辨大義例

嘉祐中杜諤撰春秋會

義二十六卷自左氏至啖趙及皇朝諸儒三十餘家集

其論議繫經下

釋例繁露規過膏肓先儒同異篇指掌碎玉折衷掌議纂例辨疑微旨摘微通

例胡氏論箋義總論尊王發微本旨辨要旨要集議索隱新義經社三十餘家成一書其後仍斷以已意

元豐中沈括撰春秋機括三卷上卷以魯公甲子紀周

及十二國年譜中卷載周及十二國譜系世次下卷記
列國公子諸臣名氏其無異名者不錄

景祐春秋集傳 春秋要論

元年正月甲戌

十三日

河北漕臣王泐上集傳十五卷

書目

明道中

撰復上書以春秋論事上嘉其好學詔獎諭加直昭

文館十二月二十一日崇政殿說書賈昌朝撰春秋要

論十卷五冊

乞付臣點
句音切

詔令舍人院試二年二月五日

詔直集賢院

慶厯春秋尊王發微

慶厯中國子監直講孫復著尊王發微十一篇大約本

於陸淳而增新意

書目十二卷又總論三卷總類例而為之斷

皇祐春秋列國類纂 春秋辨要

皇祐五年宋敏修上所著列國類纂四月十三日召試

學士院嘉祐三年楊繪獻書意詩旨春秋辨要十卷閏
十二月二十六日命為集賢校理

嘉祐春秋新意

成都宋堂嘗擬陳子昂作感遇詩以諷上建儲事著蒙書數十篇春秋新意七靈西北民言頗究時務嘉祐元年翰林學士趙槩上其所著書十月二十三日以為四門助教

元豐左氏春秋年表

元豐中楊彥齡撰二卷據經傳歲月為表首叙周曾繼以齊晉秦宋衛陳蔡曹鄭吳楚越之國其下總記戎狄蠻夷之事 紹興中韓璜撰人表一卷環中左氏二十

國年表一卷列國臣子表十卷中進春秋年表五年五
月己亥沈與求奏先魯後周非尊王意 乾德四年四
月庚戌國子丞楊均上魯史分門屬類賦三卷詔褒之
紹興十六年三月鄭邦哲進左氏韻類 元祐中晁
補之撰左氏雜論一卷指左傳之失凡四十六條

宋朝春秋傳

劉敞著春秋傳十五卷權衡十七卷說例二卷

中興書目一卷

例凡四十九

文權二卷意林五卷

中興目意林二卷十卷無文權

權衡論三

傳之失意林叙其解經之旨劉氏傳其所解經

蘇轍傳十二卷

本左氏參公穀啖趙

趙瞻經解義例三十卷春秋論二十卷

孫覺經社要

義六卷

分為類例攷據諸傳以解經旨其學亦出啖趙凡四十餘門

春秋學纂十三

卷

其說以穀梁為本及采左氏公羊歷代諸儒所長間以其師胡瑗之說斷之分莊公為上下

丁

副春秋演聖統例二十卷

田偉書目副作論

許洞春秋釋幽

五卷 劉熙古春秋極論二篇演例三篇

任伯雨繹

聖傳十二卷

馬擇言春秋要類五卷

崇文目在類書

家安

國通義二十四卷

張大亨通訓十七卷

陸佃後傳

二十卷 鄭昂春秋臣傳三十卷 以人類事凡二百九

三十 黎錞春秋經解十二卷 劉絢春秋五卷 王當

春秋十二卷列國諸臣傳五十一卷 馮正符得法忘

例論三十卷 晁氏志其書例最詳悉務通經旨熙寧八年何鄭奏之不報意者王安石不喜故也

馮山通解十二卷 余安行新傳十二卷 張根春

秋指南十卷 以征伐會盟年經而國緯 胡銓集善十三卷 鄭樵

傳十二卷春秋考十二卷 凡經文音義之訛者正之 葉夢得春秋

讞三十卷春秋考十二卷傳二十卷 夢得又有指要總例二卷 例論五

十九篇
紹興中

劉本春秋中論三十卷

紹興中

高閔春秋集

注十四卷

洪興祖春秋本旨二十卷

薛季宣經解

指要十四卷

序言諸侯無史

呂本中集解十二卷

呂祖謙

左傳類編六卷

陳傅良春秋後傳左氏章句四十二

卷

建炎春秋時論 春秋類纂

書目一卷建炎中李棠撰專采時議為論一十八篇

鄭績采左氏為紀傳六十卷名春秋類纂

紹興春秋口義

二年十一月辛酉詔自今住講日令經筵官輪進春秋口義一授至開講日如舊三年二月丁亥朔右諫議徐俯進春秋解義至天王使宰渠伯糾來聘用左氏說父在故名上謂俯曰魯桓公篡立天王當致討既四年不問乃使其宰往聘失政刑矣故書名以貶之戊子俯乞編之記注 紹興中侍講朱震講義三卷 侍講范冲左氏講義四卷

紹興春秋傳

建炎二年六月戊辰江端友請下湖州取崔子方所著

春秋傳藏秘書

經解十二卷本例例要一卷
興六年八月子方之孫岩上之

紹興

五年四月一日詔徽猷待制胡安國經筵舊臣今以所

著春秋傳纂述成書進入十年三月書成上之

表云六年十二

月詔獎諭

除寶文直學士賜銀幣

凡三十卷十萬餘言載孟氏而

下七家發明綱領之詞于卷首事按左氏義采公穀之

精者大綱本孟子而微詞多以程氏之說為證

春秋立法謹嚴

而宅心
忠恕

傳外復有總貫條例與證據史傳及學徒問答

二百餘章子寧集錄名曰通旨一卷

紹興春秋四譜

四年鄧名世上春秋四譜六卷

名世以經傳國語參合
援據為國譜年譜地譜

人辨論譜說十篇一卷

辨先儒言經傳
之失考訂明切

三月二十五日

引見九月六日賜出身充史館校勘 崇文目春秋世

譜七卷宗族名謚譜五卷 書目唐楊蘊撰春秋公子

譜一卷載帝王以來至春秋京兆杜氏春秋譜六卷

唐志

顧啓期大夫
譜十一卷

元祐中孫子平練鳴道春秋人譜一卷

凡編三十八國千七百六十三人分三卷今合為一

紹興春秋明例 素志

書目一卷紹興中舒州布衣王日休撰凡十篇通謂之
明例又冠以例要例意例釋 又有孫復解三傳辨失

四卷 夏休撰春秋素志三百十五卷凡三百萬言謂

出於玄聖素王之志名曰素志又畧其文而約說之為

麟臺獨講十一卷 續目淳熙中晁公武進故訓傳三

十卷

紹興春秋總鑑 春秋正辭

十二年十二月庚申詔董自任上春秋總鑑可采宜處以太學錄之職其書秘省錄進凡十二卷類集本末而為解義 十三年正月戊午畢良史獻春秋正辭二十

卷詔諫議羅汝楫司業高閎看詳來上特改京官

又正辭通

例十五卷

十一年六月壬午吳曾獻所著左氏發揮補右

迪功郎

隆興左氏國紀 春秋分記

續目左氏國紀三十卷隆興初徐得之編析諸國之事
每國各繫以年疏其說於後 春秋分記九十卷程公
說撰推春秋旨義即左氏傳分而記焉又旁采公穀諸
子之說附其下又為年表世譜世本及天文疆域禮樂
諸書次國小國著錄 吳元緒鼓吹鄧挺類對文濟道
綱領四卷又有蒙求三卷王舜俞序

淳熙春秋集解 春秋通志

十年六月二十二日知潭州林栗著經傳集解三十三卷乞投進十一年十二月四日上之付秘書省 十二年

二月一日任清叟進曾祖伯雨春秋繹聖傳十二卷十

四年九月十七日朱佺進伯父長文春秋通志十冊

並付

秘書省書目通志十二卷折衷三傳旁考啖趙陸淳之說

及推演孫復之言

漢時易與論語分為三詩分為四禮分為二及學者散亡僅存其一餘家皆廢獨春秋三傳並行至今於聖人

之旨各有得焉 漢武宣之世信重其書學士大夫誦
說用以斷獄決事雖萬目未張而大綱克正其效亦可
見矣 箋傳之學惟春秋為難工經理也史事也春秋
名經而實史也專於經則理虛而無證專於史則事礙
而不通所以難也 詩正義云漢初為傳訓者皆與經
別行三傳之文不與經連故石經書公羊傳皆無經文
左氏傳事不傳義是以詳於史而事未必實以不知
經故也公穀傳義不傳事是以詳於經而義未必當以

不知史故也 杜征南作釋例啖助作統例陸淳合啖


趙之說作纂例韓滉作通例陸希聲亦作通例李瑾作

凡例孫明復作總例孫復丁副作統例王哲作明例隱

括胡安國作通例程迥作顯微例目 三卷六十五首 葉夢得作

指要總例崔子方作本例 胡母生何休公羊鄭興及子衆賈徽潁容左氏荀爽劉陶

總春秋為條例 夏五之闕艮八之占 春秋始於元終於麟



玉海卷四十

欽定四庫全書

子部
玉海卷四十一

詳校官給事中臣查善長

主事臣祁韻士覆勛

總校官進士臣朱 鈐

校對官中書臣徐秉敬

謄錄監生臣高瑞相

欽定四庫全書

玉海卷四十一

宋 王應麟 撰

藝文

續春秋

又見
編年

古者謂史記為春秋後世有所著述多托春秋之名
其屬辭比事不與春秋相似非史策之正也

夏殷春秋

史通案汲冢璣語記太丁時事目為夏殷春秋後漢注竹書紀

年曰太丁四年七年十一年云云璣語又有晉春秋記獻公十七年事

竹書紀年其所記事皆與魯春秋同孟子曰晉乘楚檮

杌魯春秋其實一也故墨子曰吾見百國春秋汲冢所得書尋

亦亡逸今惟紀年璣語師春在焉隋志古文璣語四卷汲冢書 春

秋正義水經注引璣語

周春秋

周語注周春秋曰云云

晏子春秋

史記晏平仲嬰萊之夷維人事齊靈莊景公以節儉力行重於齊太史公曰吾讀晏子春秋 漢志儒家晏子

八篇

名嬰相齊景公

隋志

唐志同

儒家晏子春秋七卷

晏嬰為儒家

之首

書目十二卷

崇文目同

或以為後人采嬰行事為書故

卷頗多於前志

晁氏志著其行事及諫諍之言昔司

馬遷讀而高之而莫知其所以為書或曰晏子之後為之 柳宗元辨曰疑其墨子之徒有齊人者為之言問

棗及古冶子等尤怪誕後之錄諸子書宜列之墨家非
晏子為墨也為是書者墨之道 禮記投壺注引晏子

春秋

呂氏春秋 呂覽

史記呂不韋傳

始皇初

不韋為相食客三千人是時諸侯

多辯士如荀卿之徒著書布天下呂不韋乃使其客人

人著所聞集論以為八覽六論十二紀二十餘萬言

高誘

云訓解各十餘萬言

以為備天地萬物古今之事號曰呂氏春秋

布咸陽市門懸千金其上延諸侯遊士賓客有能增損

一字者與千金

時人無一能損增其書

諸侯年表呂不韋秦莊

襄王相亦上觀尚古刪拾春秋六國事以為八覽

六十三篇

六論

三十一篇

十二紀

凡六十一篇

為呂氏春秋

不韋春秋成于始皇八年曰維

秦八年歲在涖灘秋甲子朔日良人請問十二紀此其書成之歲月也

漢書司馬遷傳

不韋遷蜀世傳呂覽注蘇林曰呂氏春秋篇名八覽

藝文志雜家呂氏春秋二十六篇注秦丞相不韋輯智

畧士作唐志雜家呂氏春秋二十六卷高誘注高

誘序曰以道德為標的以無為為紀綱以忠義為品式以公方為檢格與孟軻荀卿淮南揚雄相表裏也為之解以述古儒之旨凡十七萬三千五十四言 書目是書凡百六十篇以月紀為首故以春秋名書

十二紀篇首與月令

同 禮運注呂氏說月令而謂之春秋事類相近焉

虞氏春秋

史記諸侯年表

又虞卿有傳

趙孝成王時其相虞卿著書上

採春秋下觀近世曰節義稱號揣摩政謀凡八篇以刺

譏國家得失世傳之曰虞氏春秋太史公曰虞卿非窮
愁不能著書以自見於後世 漢志春秋有虞氏微傳

二篇

趙相
虞卿

儒家虞氏春秋十五篇

史記八篇志
十五篇未詳

李氏春

秋二篇

孔叢子虞卿著書名曰春秋魏齊曰無然也

春秋孔聖所以名經也今子之書大抵談說而已亦以
為名何答曰經者取其常事也可常則為經矣且不為
孔子其無經乎齊問子順曰魯之史記曰春秋春秋因
以名焉又晏子之書亦曰春秋注虞卿遊說之士為趙

孝成王上卿後與魏齊間行去趙困於大梁不得志乃

著書云云

語出本傳

史通晏子虞卿呂氏陸賈其書篇第本

無年月而亦謂春秋

吳越春秋 越絕書

後漢趙晔傳著吳越春秋詩細歷神淵蔡邕至會稽讀
詩細而歎息以為長於論衡邕還師傳之學者咸誦習
焉 晉書楊方補高梁涼太守在郡積年著五經鈎沈
更撰吳越春秋并雜文行於世 隋志雜史類吳越春

秋十二卷趙晁撰吳越春秋削繁五卷楊方撰

唐志云
削煩

吳越春秋十卷皇甫遵撰

唐志云吳
越春秋傳

吳越記六卷越絕

相承以為子貢所作

本志越絕記十六卷子貢撰唐志
中興書目十五卷十九篇

周禮疏引越傳
後漢書注引越絕

趙晁又為吳越春秋其屬辭比事皆

不與春秋史記漢書相似蓋率爾而作非史策之正也

中興書目吳越春秋十卷內吳外越以紀其事吳起

太伯止闔閭越起無余止勾踐 崇文目越絕書有內

紀八外傳十七文題舛缺纔二十篇 書目或云子貢

子胥然載春申君及紀年至建武二十八年疑後人續
成今存十九篇十五卷第一卷荆平王內傳二外傳記
吳地三吳內傳四計倪內經五請糴內傳六外傳策考
七外傳記范伯內傳陳成恒八外傳記地傳九外傳計
倪十外傳記吳王占夢十一外傳記寶劍十二內經九
術外傳記軍氣十三外傳枕中十四外傳春申君德序
外傳十五篇叙外傳

第一卷有越絕外傳本事
一篇此其為十六卷歟

魯後春秋

唐志雜史劉允濟魯後春秋二十卷 劉允濟傳中宗
時遷著作佐郎朱魯哀公後十二世接戰國為魯後春
秋獻之允濟嘗曰史官善惡必書使驕主賊臣懼此權
顧輕哉而班生受金陳壽求朱僕乃視之如浮雲耳

戰國春秋

北齊書李樾撰戰國春秋及音譜 隋志戰國春秋二

十卷李樾撰

古史及霸史 舊志
編年 唐志偽史

左史六卷李樾撰

雜史

楚漢春秋

後班彪傳漢興定天下太中大夫陸賈記錄時功作楚
漢春秋九篇 藝文志春秋家楚漢春秋九篇陸賈所
記 隋志雜史楚漢春秋九卷陸賈撰述誅鋤秦項之
事司馬遷述楚漢春秋接其後事

漢春秋

明帝紀永平十五年祠仲尼注漢春秋曰帝時升廟立
群臣中庭北面皆再拜帝進爵而後坐

志元和八年祠孔子注漢晉春

秋曰闕里仲尼之故宅云云

光武紀建武五年注案范曄序例云

帝紀畧依春秋唯亭彗日食地震書餘悉備於志 司

馬遷傳太史公注如淳曰漢儀注太史公武帝置位在丞相上天下計書先上太史副上丞相序事如古春秋

晁錯策刻於玉版藏於金匱歷之春秋 楊惲傳天

陰不雨此春秋所記夏侯君所言也注張晏曰漢史記

勝所言故曰春秋所記

叙傳為春秋考紀

東漢之初春秋之名

尚存

王命論垂策書於春秋注師古曰史書記事之總

稱 唐志雜史孔衍漢春秋十卷後漢春秋六卷袁晔

獻帝春秋十卷

魏志注引表
註獻帝春秋

國史志胡旦漢春秋百

卷問答一卷

因四百年行事立
褒貶以擬春秋

淳化五年旦自言願給

借館吏繕寫帝曰褒貶出於胸臆豈得容易流傳祥符

三年謝泌又為言救襄州給紙寫天聖中獻之仁宗稱

歎遷旦秘書監

漢晉春秋 見編年

漢魏春秋

晉習鑿齒傳為滎陽太守在郡著漢晉春秋起漢光武

終晉愍帝於三國之時蜀以宗室為正魏武雖受漢禪

晉尚為篡逆至文帝平蜀乃為漢亡而晉始興凡五十

四卷

唐志同

隋志漢魏春秋九卷孔舒元撰

蜀魏志注引孔衍漢

魏春秋

漢晉陽秋四十七卷訖愍帝習鑿齒撰

魏氏春秋 晉陽秋

晉孫盛傳篤學不倦著魏氏春秋

隋志二十卷古史

晉陽秋

隋志

二十三卷迄哀帝

一作三十二卷

詞直理正咸稱良史

直書枋頭之事

桓溫見

之怒其子請刪改之盛不可子遂私改之太元中孝武

博求異聞始得別本於遼東考校多不同書遂兩存

書目晉陽秋孫盛撰隋志本二十二卷今止存宣帝一卷懷帝下一卷唐人所書康帝一卷餘亡盛不名春秋而曰陽秋者避鄭太后名也唐志編年類孫盛魏武春秋二十卷鄧粲晉陽秋三十二卷

本傳粲著元明紀十篇

檀道

騫晉春秋二十卷

隋志云續晉陽秋

雜史類孫壽魏陽秋異同

八卷王韶之私撰晉安帝陽秋除著作佐郎使續後事訖義熙九年善叙事辭論可觀為後代佳史

三國春秋

唐志雜史員半千三國春秋二十卷崔良佐三國春秋

卷七

良佐深州安平人日用從子門人諡曰貞文孝父

晉九州春秋

隋志雜史九州春秋十卷司馬彪撰記漢末事

唐志九卷

書目紀漢末州郡之亂司冀兗徐青荆揚涼幽九州各

一篇

司馬彪

高陽王睦之長子

專精學術泰始中為秘書丞

注莊子作九州春秋

三國志引之

吳志注臣松之案太康

八年廣州大中正王範上交廣二州春秋

玄晏春秋

舊唐志雜傳玄晏春秋二卷皇甫謐撰 晉皇甫謐傳
謐自號玄晏先生撰玄晏春秋重於世

任子春秋

晉杜夷傳兄崧字行高有志節惠帝時俗多浮偽著任
子春秋以刺之

晉春秋後語

史通孔衍

字舒元

以戰國策所書未為盡善乃引太史公

所記參其異同刪彼二家聚為一錄號為春秋後語除
二周及宋衛中山所留者七國而已始自秦孝公終於
楚漢之際比於春秋亦盡二百四十餘年行事始衍撰
春秋時國語復撰春秋後語勒成二書各為十卷今行
世者唯後語存焉書目
十卷唐志雜史孔衍春秋時國語
春秋後國語各十卷漢春秋十卷後漢春秋六卷後魏
春秋九卷通鑑外紀引後語

晉春秋後傳

史通晉著作郎樂資采二史撰為春秋後傳其書始於

周貞王續前傳魯哀以後至王赧入秦又以秦文王繼

周終於二世合作三十卷

唐志同 隋志 三十一卷 雜史

隋志雜史

何承天春秋前傳十卷

唐志 同

前雜傳九卷

唐志 前傳 雜語 十卷

水經注引春秋後傳

十六國春秋

北史後魏崔鴻以劉元海石勒慕容儁符健慕容垂姚

萇慕容德赫連屈子張軌李雄呂光乞伏國仁禿髮烏

孤李暉沮渠蒙遜馮跋等並因世故跨僭一方各有國
書未有統一鴻乃撰為十六國春秋勒成百卷因其舊
記時有增損褒貶鴻二世仕江左故不錄晉劉蕭之書
稽以長歷考諸舊志又別作序例一卷年志一卷凡一

百二卷

隋志霸史崔鴻撰十六國春秋一百卷

唐史
偽史

類一百
二十卷

國史志鴻書世有二十餘卷舊志乃五十卷

蓋獻書者妄分篇第 晁說之曰司馬公休言溫公所
考十六國春秋非崔鴻全書

三十國春秋

隋志古史三十國春秋三十一卷梁湘東世子蕭方等撰唐志偽史類蕭方三十國春秋三十卷武敏之三

十國春秋一百卷

舊志同

蔡允恭後梁春秋十卷中興

書目三十卷方等採削諸史以晉為主附列漢劉淵以下二十九國又上取吳孫皓事起宣帝迄恭帝又三十國春秋鈔一卷

晉春秋畧

唐志編年杜延業晉春秋畧二十卷 中興書目唐祕

書省正字杜公業撰

唐志作延業

并序起晉宣帝迄恭帝一

百五十六年以後魏崔鴻撰十六國春秋尚未究盡梁蕭方等著三十國春秋以晉為主附列二十九國採集為廣遂加刪緝號曰晉春秋畧凡一百八萬餘言

宋春秋 齊春秋

隋志古史宋春秋二十卷梁吳興令王琰撰齊春秋三十卷梁奉朝請吳均撰 唐志編年類鮑衡卿宋春秋

二十卷王琰二十卷吳均齊春秋三十卷 裴子野欲
撰齊梁春秋草創未就

文中子元經

元經五十篇列為十五卷自獲麟後歷秦漢至後魏著
紀年之書謂之元經薛收傳阮逸注 中說天下無賞
罰三百載元經得不興乎薛收曰始於晉惠何也曰元
經褒貶以代賞罰董常曰夫子以元經為賞罰子述元
經皇始之事歎焉後魏初年叔恬曰蓋歎命矣子謂叔恬曰

春秋元經於王道是輕重之權衡曲直之繩墨也子曰
元經其正名乎皇始之帝徵天以授之也晉宋之王近
於正體於是乎未忘中國齊梁陳之德斥之於四夷也
以明中國之有代太和之力也曰元經興而帝制亡矣
元經其衰世之意乎義直而微言曲而中董常曰元經
之帝元魏自文帝太和元年皇始之授魏而帝晉何也子曰云云
曰元經以人事終故止於陳亡書陳亡而具五國褒貶
不及仁壽元經抗帝而尊中國正歷數則斷南北感帝

制而守太熙尊中國而正皇始

紀年書帝春正月始以晉系正統自劉宋立

國始進魏於經而南北並列終也遂黜齊而進魏堅淝水之役不書曰為謝玄所敗而書曰為慕容垂所敗春秋誅心之法也桓溫之卒不具官為晉誅惡也皇甫湜曰天闢元經續為元經繼之尼父

中

興書目元經薛氏傳十五卷阮逸學始於晉帝終於陳亡如春秋經傳之體疑此非通本書

唐春秋又見編年

志編年類吳兢唐春秋三十卷韋述三十卷陸長源六

十卷 吳兢傳景龍間任史事時武張監領事多不實

兢不得志私撰唐書唐春秋未就至開元中旬官筆札
冀得成書詔兢就集賢院論次後貶荊州司馬以史草
自隨蕭嵩領國史遣使者就兢取書得六十餘篇 李
元紘傳初左庶子吳兢為史官撰唐書及春秋未成後
上書請畢其功詔許就集賢成書張說致仕詔在家修
史元紘因言國史記人君善惡王政損益褒貶所繫前
聖尤重今國大典分散不一且太宗別置史館禁中祕
嚴之也請勒說以書就館參會撰錄詔可 會要開元

十四年七月六日左庶子吳兢奏臣潛心積思別撰唐

書九十八卷

集賢注記云一百卷

唐春秋三十卷用藏私室歷二

十餘年尚刊削未就於是彌綸舊紀重加刪緝雖文則

不工而事皆從實斷自隋大業十三年迄于開元十四

年春三月即皇家一代之典盡在斯矣詔兢就集賢院

論次俄令就史館其書未就兢遷荊州司馬上令中使

往荊州取得五十餘卷記事疏略 韋述傳舉進士時

方少考功宋之問曰童子何業述曰性嗜書所撰唐春

秋三十篇未畢他唯命之問曰本求茂才乃得遷固遂
上第 國史志陸長源唐春秋今存十八卷 孫氏西
齋錄孫長源唐春秋乃編年雜錄掇其切峭獨可示懲
勸自為十八通書號孫氏西齋錄 宋朝趙瞻著唐春
秋五十卷

五代春秋

書目五代春秋一卷尹洙撰 國史志雜史王軫五朝
春秋二十五卷

論語

漢世通謂論語孝經為傳書序言及論語孝經程子曰論語之書成於有子曾子之門人故其書獨二子以子稱論語識日子夏六十四人共撰仲尼微言鄭康成曰仲弓游夏等撰定正義曰以口相傳授故經焚書而獨存

漢十二家論語

藝文志論語十二家二百二十九篇論語古二十二篇

出孔子壁中兩子張

如淳曰分堯曰篇後子張問何如可以從政已下為篇名曰從政

分堯曰下章子張問以為一篇其篇次又不與齊魯同新論云文異者四百餘字

齊二十二篇

多問王知道

其二十篇中章句頗多於魯論

魯二十篇傳十九篇齊說

二十九篇魯夏侯說二十一篇魯安昌侯說二十一篇

張禹

魯王駿說二十篇

王吉子

燕傳說三卷議奏十八篇

石渠

論孔子家語二十七卷孔子三朝七篇孔子徒人圖法

二卷論語者孔子答弟子時人及弟子相與言而接聞

於夫子之語也漢興有齊魯之說傳齊論者昌邑中尉

王吉

何晏序又有琅邪王卿

少府宋畸御史大夫貢禹尚書令五

鹿充宗膠東庸生唯王陽名家傳魯論者常山都尉龔

奮長信少府夏侯勝丞相韋賢

序云及子玄成

魯扶卿前將軍

蕭望之安邑侯張禹皆名家張氏最後而行於世

魯論傳於

學官二論廢亡

何晏序論語孔子弟子記諸善言也張禹本

受魯論兼講齊說善者從之號曰張侯論為世所貴包

氏周氏章句出焉古論唯博士孔安國為之訓解而世

不傳順帝時南郡太守馬融亦為訓說漢末大司農鄭

玄就魯論篇章考之齊古為之注故司空陳羣太常王
肅博士周生烈皆為義說晏集諸家為解 邢昺疏張
禹擇齊魯之善而為論鄭玄考齊古之長而為注 孝
文置論語博士 平帝詔召通知論語者駕一封軺傳
詣京師 唐薛放曰漢時論語首立學官先武令虎賁
士皆習孝經 說文逸論語曰玉粲之璫兮其璦猛也
如玉之瑩 文選注逸論語曰如玉之瑩 初學記逸
論語曰璠璣魯之寶玉也 春秋正義論語哀公問主

於宰我案古論語及孔鄭皆以為社主張包周等並為
廟主 家語孔安國為古文論語訓二十一篇考經傳
二篇

魯讀

論語釋文傳不習乎鄭注云魯讀傳為專今從古案鄭
校周之本以齊古讀正凡五十事鄭本或無此注然皇
覽引魯讀六事則無者非也 崔子魯讀崔為高 未
嘗無誨魯讀為悔 五十以學易魯讀易為亦 正唯

弟子不能學也魯讀正為誠 魯讀坦蕩為坦湯 冕
衣裳者鄭本作弁云魯讀弁為統今從古 瓜祭魯讀
瓜為必 賜生魯讀生為牲 車中不內顧魯讀車中
內顧 詠而歸鄭本作饋魯讀饋為歸 仍舊魯讀仍
為仁 折獄魯讀折為制 小慧魯讀慧為惠 古之
矜也廉魯讀廉為貶 魯讀躁為傲室為室 歸孔子
豚鄭本作饋魯讀為歸 天何言哉魯讀天為夫 不
知命無以為君子也魯論無此章今從古

漢尚書論語說

漢尚書傳

見尚書

蕭望之傳從勝問論語禮服後以授

太子

漢易論語大義 論語章句

張禹傳從沛郡施讐受易琅邪王陽膠東庸生問論語
皆明習諸儒曰欲為論念張文甘露中諸儒薦禹有詔
太子太傅蕭望之問禹對易及論語大義望之善焉奏
禹經學精習有師法可試事奏寢久之試為博士初元

中授太子論語禹為成帝師以上好論語難數對已問
經為論語章句獻之 後儒林傳包咸建武中入授太
子論語又為章句 何休注訓孝經論語 沛王輔傳
善說孝經論語傳

漢鄭玄注論語 論語釋義 晉論語注讚

唐志鄭玄注論語十卷又注論語釋義十卷 隋志論
語九卷鄭玄注晉散騎常侍虞喜讚梁有古文論語十
卷鄭玄注又王肅虞翻譙周等注論語各十卷亡鄭玄

以張侯論為本參考齊古而為注齊論亡古論先無師
說梁陳唯鄭玄何晏立國學而鄭甚微周齊鄭學獨立
隋何鄭並行鄭氏盛於人間 北史鄭玄論語序云書
以八寸策誤作八十宗徐遵明曲為之說 春秋正義
鄭玄注論語序以鈎命決云春秋二尺四寸書之孝經
一尺二寸書之故知六經之策皆稱長二尺四寸 聘
禮疏鄭作論語序云易詩書禮樂春秋策皆二尺四寸
孝經謙半之論語八寸策者三分居一又謙焉是其策

之長短鄭注尚書三十字一簡之文服虔注左氏云古文篆書一簡八字是其簡之字數

魏論語集解

唐志何晏集解十卷

隋志同

孫綽集解十卷盈氏集義江

熙集解各十卷

晉鄭冲傳與孫邕何晏曹羲荀凱等

共集論語諸家訓注之善者義有不安者輒改易之名

集解

正義集孔安國包咸周氏

不詳何人

馬融鄭玄陳群

王肅周生烈之說兼以己意為集解正始中上之

包周就張

侯論為訓解

宋朝周式撰集解辨誤十卷又有續辨誤一

卷附其後 吳志虞翻為老子論語國語訓注

晉論語集注 集解

隋志集注六卷太保衛瓘注江熙孫綽集解皆十卷李

充注十卷 唐志宋明帝補衛瓘注十卷隋志云論語補闕二卷

晉論語集義 旨序 體畧

隋志集義八卷晉左中兵郎崔豹集梁十卷 唐志崔豹大義解十卷盈

氏集義 十卷 體畧二卷太傅主簿郭象撰旨序三卷晉衛尉

繆播撰

唐志二卷

釋疑三卷王弼撰又釋疑十卷晉尚書郎

藥肇撰集注六卷

晉八卷晉大尉衛瓘注

有太史叔明集解陶弘

景集注各十卷虞喜新書對張論十卷

梁論語疏

唐志皇侃疏十卷

邢昺以為援引不經詞意淺陋

褚仲都講疏十卷賈

公彥疏十卷

中興書目梁國子助教皇侃以何晏集

解去取為疏十卷又列晉衛瓘繆播藥肇郭象蔡謨袁

宏江厚蔡謩李充

隋志十卷

孫綽周懷范甯王珉等十三人

爵里于前云此十三家是江熙所集其解釋於何集無妨者引取以廣異聞 隋志宋張畧等疏八卷褚仲都

義疏皇侃義疏劉炫述義

本傳述義

各十卷徐孝克講疏文

句義五卷張冲義疏二卷

南史張譏孝經義八卷論

語義二十卷

國史志皇侃疏雖時有鄙近然博極群

言補諸家之未至為後學所宗咸平中詔邢昺刊定正

義

論語圖

隋志梁有論語義注圖十二卷亡古論語義注譜一卷

徐氏撰

唐志同

唐三十家論語

志經錄八曰論語三十家三十七部三百二十七卷

失姓

名三家始於鄭玄注釋義終於賈公彥疏為注釋者有鄭

玄王弼王肅李充梁覲孟釐袁喬尹毅張氏暢惠明宋
明帝藥肇崔豹劉炫為集解集義者有何晏孫綽盈氏
江熙為講疏者有皇侃褚仲都賈公彥又有徐氏之譜

虞喜之贊繆播旨序郭象體畧戴詵述議徐邈之音王
勃之次論語及家語十卷孔叢七卷篇目弟子一卷附
馮不著錄二家十二卷韓愈注十卷張籍注辨二卷

隋志六典同論語并五經異義等七十二部七百八十一

卷 崇文目十三部二百十卷 中興目二十三家一
百八十一卷 續目十六家一百三十三卷

唐論語筆解

書目二十卷題韓愈撰

唐志韓愈注
論語十卷

皇朝許勃為序其

問翱曰者蓋李習之同與琢磨非獨韓製此書也 宋
咸增注論語十卷序云韓愈注論語與筆解大槩多竊
先儒義而遷易其辭因擇二書是否并舊注未安辨正
焉 劉正叟謂筆解皆後人之學托韓愈名以求行徒
玷前賢悉無所取為重注十卷以祛學者之惑

唐次論語

志王勃次論語十卷

咸平論語正義

見考經

書目論語正義十卷翰林侍講學士邢昺等撰咸平中
頒其書於章句訓詁名器事物之際詳矣

元祐論語要義

見孝經

論語說

蘇軾子瞻說謫居黃州時所為大觀間弟轍子由辨范

祖禹醇夫說元祐中所進數引程頤正叔解師門人記其

謝良佐顯道解師程正叔呂大臨與叔解與叔雖程氏之徒

尹焞

彥明

解紹興中為崇政殿說書被旨訓解

楊時

中立

注游酢

定夫解

皆程氏門人

王鞏

定國注秦少游序

汪革

信民直解

紹聖中禮部試第一

王安石

介甫解王雱口義

葉夢得

少繚釋言

張栻

敬夫說

以上

各十卷

張九成解二十卷

胡宏指南一卷

胡寅詳

說洪興祖說

謂此書始於不愠終於知命蓋君子儒

吳棫續解考異

說例十二卷

曾幾撰義二卷

薛季宣少學

鄒補

之贅解

紹興論語解義

三十二年三月己未刑部侍郎兼侍講黃祖舜進論語

解義詔給事中金安節等看詳安節等言詞義明粹令

國子監板行賜詔獎諭

胡宏指南評論黃祖舜沈大廉之說

八年四月

戊寅詔尹焞解論語書成賜六品服 十三年正月二

十四日王普進父賓講論語口義送史館

淳熙論語孟子集注或問

朱文公熹撰淳熙四年六月癸巳成初編次集義輯二

程之說又取張范二呂

希哲大臨

謝游楊侯

仲良

尹氏九家

初名

要義改名精義最後
名曰集義三十四卷

又本注疏參釋文會諸老先生之

說間附所聞於師友得於心思者為詳說

舊名訓蒙口義既而

約其精粹為集注

十卷

又疏其所以去取之意為或問

十卷

其後集注刪改日益精密而或問不復釐正故其去取

間有不同者 黃氏曰朱子集注於一字未安一語未

順覃思靜慮更易不置或一二日而未已用心如此學

者顧以易心讀之安能得聖人之意哉

朱子言三十始為集注至老改

猶未已非
草草看者

陳氏曰集注遍閱諸家說雖一句一字皆

為抄掇旋加磨刮翦繁趨約不啻數百過又曰學者須
專事集注為標準復讀饜飫胸中已有定見然後參以
集義方識諸家是非得失始知集注明潔親切辭約而
旨富義精而味長信為萬世不刊之書 黃榦撰論語
通釋十卷 輔廣論語答問 魏了翁要義編疏論語二
十卷孟子十四卷

淳熙論語拾遺

五年六月九日軍器少監張琬上二十篇付秘閣

孔子家語 孔叢 孔志 孔子弟子目錄

孔氏古文弟子籍

漢志論語家孔子家語二十七卷注師古曰非今所有

家語 隋志孔子家語二十一卷王肅解

梁有家語三卷魏博士張

融撰孔叢七卷陳勝博士孔鮒撰

梁有孔志十卷梁太尉參軍劉被撰亡

孔子弟子目錄一卷鄭玄撰孔叢家語並孔氏所傳之

旨 唐志王肅注孔子家語十卷

舊志云王肅撰孔叢七卷論

語篇目弟子一卷 書目家語十卷王肅注孔叢一名

盤孟取其事維也 家語今自相魯至曲禮公西赤問

四十四篇漢元封中孔安國集錄

孔子十
一世孫

孔叢今自嘉

言至答問二十一篇為六卷集仲尼子思子上子高子

順之言以為孔鮒子魚所作孔臧又以所為賦與書謂

之連叢上下篇為一卷

合為二
十三篇

附于末嘉祐四年三月

宋咸注上之 史記太史公曰弟子籍出孔氏古文近是

余以名姓文字取論語弟子問并次為篇自子石已右

三十五人有年名及受業聞見于書傳其四十二人無

年及不見書傳紀于左

冉季至
公西歲

索隱家語此例唯有三

十七人其公良孺秦商顏亥叔仲會四人家語有事迹
史記闕自公伯寮秦冉鄒單三人家語不載而別有琴
牢陳亢縣亶如文翁圖所記又有林放蘧伯玉申枨申
堂後人增益今不可考 宋朝李燾著大傳雜說七十
二子名籍各一卷 馬昭曰家語王肅增加非鄭玄所
見肅私定以難鄭玄

孝經

隋志孔子既叙六經題目不同指意差別恐斯道離散故作孝經以總會之明其枝流雖分本明於孝

魏文侯孝經傳

漢祭祀志注蔡邕明堂論曰魏文侯孝經傳曰太學者中學明堂之位也

漢十一家孝經 四家孝經

藝文志孝經十一家五十九篇古孔氏一篇二十二章

孝經一篇

十八章長孫江
后翼氏四家

長孫氏說二篇江氏翼氏后

氏說各一篇雜傳四篇安昌侯說一篇五經雜義十八

篇

石渠論

爾雅三卷二十篇小爾雅一篇古今字一卷弟

子職一篇

應劭曰管子仲所作

說三篇孔子為曾子陳孝道夫孝

天之經地之義民之行也舉大者言之故曰孝經漢興

長孫氏博士江翁少府后倉諫大夫翼奉安昌侯張禹

傳之各自名家經文皆同唯孔子壁中古文為異父母

生之績莫大焉故親生之膝下諸家說不安處古文字

讀皆異 王式傳博士江公著孝經說 後漢儒林傳

自期門羽林之士悉通孝經章句

明帝時

禮記周禮注

引孝經說

秋官注孝經說曰云云疏云援神契郊特牲疏引異義今孝經說

穀梁疏亦

引孝經說

孝文置孝經博士

司隸有孝經師

荀

爽對策漢火德其德為孝漢制使天下誦孝經選吏舉

孝廉

何休注訓孝經

馬融注孝經

高誘作孝經

解 宋臬曰涼州寡於學術屢致反暴今欲多寫孝經

令家家習之詔書詰責

漢古文孝經

志孝經古孔氏一篇二十二章

注師古曰劉向云庶人章分為二留子敢問章

分為三又多一章閨門章凡二十二章

漢興云云

見上唯孔氏壁中古文為

異父母生之續莫大焉故親生之膝下諸家說不安處

古文字讀皆異

師古曰桓譚新論云古孝經千八百七十二字今異者四百餘字

書

序孔子舊宅壁中得古文虞夏商周之書及傳論語孝

經皆科斗文字 說文叙建光元年九月戊午許冲上

父慎說文曰古文孝經者孝昭帝時魯國三老所獻建

武時議郎衛宏所校皆口傳官無其說臣父學孔氏古

文撰具一篇并上 家語後序孔安國為古文論語訓
二十一篇孝經傳二篇皆壁中科斗本也 晉衛恒傳
漢武時魯恭王壞孔子宅得尚書春秋論語孝經時人
不復知有古文謂之科斗書漢世秘藏希得見之 隋

志古文孝經一卷孔安國傳梁未亡逸今疑非古本古

文孝經述義五卷劉炫撰 本傳云述議 秦焚書為河間顏芝

所藏漢初芝子貞出之凡十八章而長孫江后翼張皆
名其學又有古文孝經與古文尚書同出而長孫有闕

門一章其餘經文大較相似篇簡缺解又有衍出三章并前合為二十二章孔安國為之傳至劉向典校經籍以顏本比古文除其繁惑以十八章為定鄭衆馬融並為之注又有鄭氏注相傳或云鄭玄梁代安國及鄭氏二家並立國學而安國之本亡於梁亂至隋秘書監王劭於京師訪得孔傳送至河間劉炫炫因述其議疏講于人間後遂著令與鄭氏並立儒者皆云炫自作之非

孔舊本

鄭氏注一卷梁有馬融鄭衆注二卷

崇文目

康成注一卷

鄭玄傳注謝承書不言注孝經

惟此書
有之

唐志古文孔安國傳劉邵注各一卷 唐玄

宗時議者排毀古文以閨門一章為鄙俗不可行

魏孝經傳

王肅傳奉詔令諸儒注述孝經以肅說為長 唐會要

劉子玄云王肅孝經傳首有司馬宣王之奏奉詔令諸

儒注述孝經以肅說為良 吳嚴峻著孝經傳潮水論

孝經解讚

隋志一卷韋昭解集解孝經一卷謝萬集蕭子顯孝經

敬愛義一卷太史叔明孝經義一卷

晉講孝經義

見帝學 隋志梁有晉孝經一卷

穆帝時

祁嘉依孝經

作二九神經

晉集議孝經

隋志一卷晉東陽太守袁敬仲集又一卷中書郎荀勗

撰

唐志荀勗
孝經集解

梁孝經義疏

隋志梁武帝義疏十八卷皇侃三卷梁簡文五卷蕭子

顯一卷亡

梁武帝釋孝經義中大通四年三月置制旨孝經助教一人簡文於士林館發孝經題張

譏論議往復譏有孝經議八卷沈文阿有孝經論語義記

趙景韶一卷徐孝克講

疏六卷 唐志何約之大明中皇太子講義疏一卷

齊書永明三年太子於崇正殿講孝經

晉太子講孝經於崇政殿

梁書昭明太子講孝經殿中庶子徐勉祭酒張充執

經天監八年九月於壽安殿講孝經論語講畢親臨釋

奠于國學 南史陳王元規孝經義記兩卷 北史何

晏義疏二卷

齊周顯
撰義疏

孝經圖

隋志梁有孝經圖一卷孝經孔子圖二卷

舊唐志孝經
應瑞圖一卷

識緯有孝經古祕圖一卷左右契圖一卷分野圖一卷

內事圖二卷內事星宿講堂七十二弟子圖一卷又口

授圖一卷 崇文目農家大農孝經一卷小說有正順

孝經一卷女孝經一卷酒孝經一卷

唐二十七家孝經

志經錄孝經二十七家三十六部八十二卷失姓名一家始於古文孔安國傳終於元行冲疏古文有孔安國之傳劉邵之注為注者王肅鄭玄韋昭孫熙蘇林謝萬虞盤佐孔光殷仲文叔道徐整魏克已而唐玄宗制旨附焉為講義義疏者車胤皇侃何約之梁武帝劉炫賈公彥任希古元行冲而荀勗集解太史叔明發題張士儒演孝經附焉應瑞圖一卷失姓名不著錄六家一十三卷尹知章王元感之注孔穎達之義疏李嗣真之指

要及平貞春孝經義終於徐浩廣孝經

唐舊令行
孔鄭二注

隋

志

六典同

古今孝經等十八部六十三卷

崇文目五部

九卷

中興目十五家二十卷

續目一家一卷

鄭

氏序孝經者三才之經緯五行之綱紀孝為百行之首

經者至易之稱

玄宗序雖五孝之用則別而百行之

源不殊

國史志孔安國傳古二十二章有閨門篇為

世所疑鄭氏注今十八章相承言康成作鄭志目錄不

載通儒皆驗其非開元中孝明纂諸說自注以奪二家

然尚不知鄭氏之為小同 經典序錄鄭注相承以為

鄭玄案鄭志及中經簿無唯中朝穆帝集講孝經云以

鄭玄為主檢孝經注與康成注不同未詳是非

江左中興孝經

論語共立鄭氏博士一人

唐孝經章句

孔穎達傳

兼舊史

太宗時為太子右庶子承乾令穎達撰

孝經章句因文箴諷貞觀十四年詔穎達講孝經於國

學 志穎達義疏

卷七

集賢注記壽王通孝經賜王迥

質束帛酒饌及衣被

唐孝經注議

會要開元七年三月一日敕孝經尚書有古文本孔鄭
注旨趣頗多踳駁今諸儒質定六日詔曰孝經德教所
先頃來獨宗鄭氏孔氏遺旨今則無文又子夏易傳近
無習者輔嗣注老子亦甚甄明其令儒官詳定所長令
明經者習讀四月七日左庶子劉子玄上孝經注議曰
今俗所行孝經題曰鄭氏注云即康成而魏晉無此說

至晉穆帝永和十一年孝武大元元年再聚群臣共論經義有荀昶撰集孝經諸說始以鄭氏為宗宋梁已來多有異論陸澄以為非玄所注請不藏祕省王儉不依其請遂傳於時魏齊立於學官著在律令然則孝經非玄所注其驗十有二條鄭自序無注孝經之文一也弟子追論師注及應對時人謂之鄭志不言注孝經二也鄭志目錄記鄭所注不言孝經三也鄭記不及孝經四也趙商作鄭先生碑銘亦不言注孝經晉中經簿稱鄭

氏解無名玄二字五也春秋緯演孔圖云春秋孝經別
有評論宋均於詩譜序云先師則均是傳業弟子也而
云唯有評論六也宋均孝經緯注引鄭六藝論叙孝經
云玄又為之注而均無聞焉七也宋均春秋緯注云玄
為春秋孝經畧說非注之謂八也後漢史書謝薛司馬
袁為傳載所注皆無孝經九也云云古文孔傳曠代亡逸
隋開皇十四年秘書學生王孝逸得一本送王邵以示
劉炫炫率意刊改因著孝經稽疑一篇邵以為經文盡

在正義甚美而歷代未嘗置於學官愚謂行孔廢鄭於義為允國子祭酒司馬貞議曰今孝經是漢河間王所得顏芝本劉向定為十八章其注相承云鄭玄作而鄭志及目錄等不載往賢共疑焉唯荀昶范曄以為鄭注昶集解孝經具載此注序云以鄭為主是以此注為優其古文二十二章元出孔壁安國作傳世未之行荀昶集注之時尚有孔傳中朝遂亡其本近儒妄作此傳假稱孔氏又偽作閨門一章劉炫詭隨妄稱其善且閨門

之義近俗之語非宣尼正說又分庶人章故自天子已
下別為一章仍加子曰二字非但經文不真亦傳習淺
偽議者取近儒詭說殘經缺傳而廢鄭注理實未可請
鄭孔俱行五月五日詔鄭仍舊行用孔注傳習者稀亦
存繼絕之典頗加獎飾

唐六家孝經

見御製

明皇取王肅劉邵虞翻韋昭劉炫陸澄六家之說參倣
孔鄭舊義自作序云舉六家之異同 劉邵 古文注 王

肅韋昭

注各一卷

劉炫

述義五卷

陸澄

言鄭玄注用辭不類

虞翻

隋唐志載

唐孝經制旨 疏

志玄宗孝經制旨一卷

梁武帝撰制旨孝經義

元行冲御注孝經

疏二卷

舊志三卷安國劉邵王肅鄭玄韋昭孫熙蘇林謝萬尹知

開元七年為國子司業

志有孔

章王元感注皇侃孔穎達賈公彥義疏隋何妥孝經義疏二卷

元行冲傳玄宗自

注孝經詔行冲為疏立于學官

會要開元十年六月

二日上注孝經頒天下及國子學天寶二年五月二十

二日上重注亦頒天下

紀天寶三載十二月癸丑詔

天下家藏孝經

會要云精勤教習學校之中倍加傳授州縣官長申勸課馬五載二月二十四

日詔孝經書疏雖粗發明未能該備今更敷暢以廣闕文令集賢寫頒中外

薛放曰漢立

論語於學官光武令虎賁士習孝經玄宗親為注訓論

語六經菁華孝經人倫之本也 開元中親注孝經并

製序八分書之立于國學以層樓覆之

洛中記異

唐孝經指要

志李嗣真孝經指要一卷

唐廣孝經

志徐浩廣孝經十卷浩稱四明山人乾元二年十一月
上授校書郎張士儒演孝經十二卷

唐科斗書孝經

李陽冰子服之貞元中授韓愈以其家科斗書經衛宏
官書兩部合一卷後以歸歸登其後以凡為文辭宜畧
識字再乞觀之張籍令賀拔恕寫之

韓愈科斗
書後記

又渭

上耕者亦得古文孝經

唐孝經新義

志任希古越王孝經新義十卷 後周顯德六年八月
高麗遣使進別叙孝經一卷越王孝經新義八卷別叙
者記孔子所生及弟子從學之事新義以越王為問目
釋疏文是非

淳化御書孝經

見御書

咸平孝經論語正義

至道二年判監李至請命李沆杜鎬等校定周禮儀禮

穀梁傳疏及別纂孝經論語正義從之

梁皇侃為論語義疏援引不經

詞意淺陋咸平三年三月癸巳命祭酒邢昺代領其事杜鎬

舒雅李維孫奭李慕清王煥崔偓佺劉士元預其事凡

賈公彥周禮儀禮疏各五十卷公羊疏三十卷楊士勛

穀梁疏十二卷皆校舊本而成之孝經取元行冲疏論

語取梁皇侃疏爾雅取孫炎高璉疏約而修之又二十

三卷四年九月丁亥以獻賜宴國子監進秩有差十月

九日命杭州刻板書目孝經正義三卷邢昺撰初世

傳元行冲疏外餘家尚多皆淺近不足取咸平中昺等奉詔據元氏本而增損焉

咸平三體書孝經

三年四月辛未直昭文館句中正上石本大小篆八分

三體書孝經

書目一卷具古文秦篆漢隸三體又有楊南仲書二體孝經一卷真篆二體

真

宗召至便殿坐問所書幾時方畢曰凡十年遂賜金紫

藏其書秘閣命別進三本送三館

八月二十四日賜中正詔曰汝精通字學

得史籀之舊法見蔡邕之古文夏竦古文韻曰中正刻孝經字體精博

書目孝經一卷

案隋志鄭氏注邢昺正義云世傳康成所注而鄭志不載先儒疑之荀昶集解以此注為優請與孔傳並行今陸德明音釋用此五代散亡咸平中日本僧裔然來獻

祥符資善堂讀孝經

見堂類

天聖孝經論語要言

天聖四年閏五月侍讀學士宋綬錄惟皇誠德賦孝經論語要言唐太宗帝範二卷開元中楊浚聖典三卷楊

相如君臣政理論三卷以進時帝好儒學太后命綬擇前代文字資孝養補政治者以備帝覽故也 慶歷七年三月丙申邇英講孝經

皇祐孝經圖

四年命丁度書天子孝治聖治廣要道四章為圖

至和古文孝經指解

實錄至和元年十二月丁未殿中丞直秘閣司馬光上

古文孝經指解一卷詔送秘閣

或作皇祐四年誤

序曰聖人

言則為經動則為法孔子與曾參論孝而門人書之謂之孝經漢興顏芝之子得十八章儒者傳之是為今文及魯恭王壞孔子宅而古文始出凡二十二章今文之學已盛古文排擯不得列於學官獨孔安國及馬融為之傳隋開皇中王孝逸得之河間劉炫作稽疑一篇將興隆起廢時人已多譏笑之唐開元中詔議孔鄭二家劉知幾以為宜行孔廢鄭諸儒爭難議起卒行鄭學及明皇自注遂用十八章為定前世孝經多者五十餘家

少亦不減十家今秘閣所藏止有鄭氏明皇及古文三家古文有經無傳按孔安國以古文時無通者以隸書寫尚書而傳之則論語孝經不得獨用古文蓋後世好事者用孔氏傳本更以古文寫之其文則非其語則是也臣輒以隸寫古文為之指解其今文舊注有未盡者引而伸之其不合者易而去之表曰聖人之德莫加於孝猶江河之有源草木之有本源遠則流大本固則葉繁秘閣所藏古文孝經先秦舊書傳注遺逸孤學堙

微不絕如綫妄以所聞為指解一卷 范祖禹復為之

說一卷元祐中上 桓譚新論古孝經一卷二十章千

八百七十二字今異者四百餘字

見上

元祐尚書論語孝經要義 三經要語

元祐二年九月庚午呂公著言伏覩今月十五日以經筵講論語畢賜執政及講筵官御筵是日內出御書唐賢律詩分賜臣等各一篇次日臣於延和謝今來論語終失進講尚書二書皆聖人之格言為君之要道臣輒

於尚書論語及孝經中節取要語凡一百段惟取明白切於治道者庶便省覽他日太皇太后宣諭公著曰所進尚書論語等要義百篇皇帝每日書寫看覽甚有益學問與寫詩不同 范祖禹言臣謹節尚書論語孝經要切之語訓戒之言得二百一十九事以備聖札所冀手書之目覩之心存之以助聖德之萬一名曰三經要語

紹興御書孝經

二年八月十六日癸卯上出其寫孝經詩書篇章宣示
呂頤浩等 九年六月十二日辛酉宰臣檜乞以上所
賜御書真草孝經刻之金石上曰十八章世以為童蒙
之書不知聖人精微之學不出乎此十四年七月辛未
詔諸州以御書孝經刊石賜見任官及學生從汪勃之
言也

紹興資善堂孝經圖

見堂類

紹興孝經解

八年四月庚午王恽獻孝經解義詔賜帛十年十二月
十日程全一進孝經解命為大學職事十一年十一月
二十七日林獨秀進孝經指解賜帛 紹興中王文
獻進詳解一卷趙湘進孝經議一卷沈處厚進解一卷

漢忠經 附

書目儒家一卷馬融撰鄭玄注融述孝經之意作忠經
陳事君之要道始於立德終於成功凡十八章

崇文目
小說

兩朝志海
鵬忠經

唐武孝經附

書目一卷

崇文目
小說

唐郭良輔設太公孫子問答倣孝經

篇章以述武事

崇文目有兵書論語
三卷國史志一卷

民生日用之常后王降德之本 孝經道之根本學之

基址其言近其旨遠其守約其施博自微至顯自小至

大自身體髮膚受之至於嚴父配天自親生之膝下至

於天下和平自事父母至於天地明察通神明光四海

充其道者舜文王周公是也

范祖禹

孟子

韓愈曰孔子之道大而能博獨孟軻氏之傳得其宗故求觀聖人之道者必自孟子始

孟子十一篇

漢志儒家孟子十一篇名軻鄒人子思弟子有列傳注師古曰聖證論曰軻字子車而此志無字未詳其所得史記列傳軻與萬章之徒序詩書述仲尼之意作七

篇

漢志十一篇
四篇外書也

韓文軻之書非自著既沒其徒萬章

公孫丑相與記所言耳

朱子集注史記近是

道性善
注曰門

人不能盡記其詞決汝漢注曰記者
之誤吳伯豐問朱子答曰兩處失之

晁氏志按此書

韓愈以為弟子所會集今考其書載孟子所見諸侯皆稱謚死然後有謚軻著書時所見諸侯不應皆前死且惠王元年至平公之卒凡七十七年軻始見王目之曰叟必已老矣決不見平公之卒也

漢趙岐注孟子

隋志孟子十四卷齊卿孟軻撰趙岐注 唐志趙岐注

孟子十四卷

分上下篇梁惠王至盡心

趙岐傳字邠卿

又字臺卿多所

述著作孟子章句

題辭孟子治儒術之道垂憲言以

詒後人著書七篇二百六十一章三萬四千六百八十

五字包羅天地揆叙萬類仁義道德性命靡所不載帝

王公侯遵之可以致隆平頌清廟卿大夫士蹈之可以

尊君父立忠信守志厲操者儀之可以崇高節抗浮雲

孔子自衛反魯然後樂正雅頌各得其所乃刪詩定書

繫周易作春秋孟子退自齊梁述堯舜之道而著作焉
此大賢擬聖而作者也七十子會集夫子所言以為論
語孟子之書則而象之秦滅經術孟子徒黨盡矣書號
諸子篇籍得不泯絕漢孝文置博士後罷迄今諸經通
義得引以明事謂之博文儒家惟有孟子闕遠微妙蘊
奧難見宜在條理之科

外書四篇

題辭又有外書四篇性善辨文說孝經為正其文不能

弘深不與內篇相似非孟子本真後世依放而託之者也
論衡孟子作性善之篇以為人性皆善及其不善
物亂之也 法言孟子曰夫有意而不至者有矣未有

無意而至者也

說苑

太平御覽

孟子曰人皆知糞其田而

莫知糞其心

顏氏家訓圖景失形

漢伍被傳孟子

曰紂貴為天子死曾不如匹夫是紂先自絕久矣非死
之日天去之也 史記注孟子稱禹生石紐西夷人也

藝文類聚滕文公云云孟子諫曰

坊記注舜生五十

而不失其孺子之心 史通堯舜不勝其美桀紂不勝其惡 文選注太山之高參天入雲

漢孟子章句

儒林傳程曾著書百餘篇皆五經通難又作孟子章句

高誘正章句

唐六家孟子

志趙岐注十四卷劉熙注七卷鄭玄注七卷蔡母邃注

七卷

隋志梁有蔡母邃撰九卷亡

陸善經注七卷張鎰音義三卷儒

家六十九

孟子有
六家

唐續孟子

崇文目續孟子二卷唐咸通中林慎思撰

祥符孟子音義 正義

晁氏志孫奭採張鎰丁公著所撰參附益其闕為二卷
大中祥符中書成上于朝又撰正義

元祐五臣解孟子

晁氏志十四卷范祖禹孔武仲吳安詩豐稷呂希哲元

祐中同在經筵所進講義貫穿史傳辭旨精贍 又伊

川孟子解十四卷

程頤

橫渠孟子解十四卷

張載

王安

石王雱許允成解各十四卷

馮休刪孟二卷

十七篇

司馬光疑孟一卷

並晁氏志

紹興中吳表臣於經筵講

高宗書于坐右屏又書刊石太學

淳熙孟子集注或問 精義

朱文公熹撰各十四卷

詳見論語類

程子曰學者當以論語孟子為本二書既治則六經可

不治而明又曰讀論語孟子而不知道所謂雖多亦奚
以為 張栻孟子說十七卷 魏了翁要義十四卷



玉海卷四十一